

Т 1304919

СБОРНИКЪ  
ЦЕРКОВНЫХЪ ПѢСНОПѢНІЙ.

ИЗДАНИЕ

Вологодскаго Братства во имя Всемилоствитаго  
Спаса


ДЛЯ ОБЩЕНАРОДНАГО ПѢНІЯ.

цѣна 10 коп.

ВОЛОГДА

Типографія П. А. Пявото

1913



Вологодская областная универсальная  
научная библиотека им. М.В. Ломоносова

ДАР В.В. Богачева

---

---

---


---

# СБОРНИКЪ ЦЕРКОВНЫХЪ ЛѢСНОПѢНІЙ.

ИЗДАНІЕ

Вологодскаго Братства во имя Всемилостиваго  
Спаса.

Р 1304919



Типографія Н. А. Цвѣтова.

1913.



85.318

+ср. + ктн

с 23

85.318.9

1. Церковные мушкетеры

---

Печатано по постановленію Совѣта Братства.

---

## Пѣснопѣнія литургіи.

Благослови, душе моя, Господа, благословенъ еси, Господи.

Благослови, душе моя, Господа, и вся внутренняя моя--имя святое Его.

Благослови, душе моя, Господа, и не забывай всѣхъ воздаяній Его.

Очищающаго вся беззаконія твоя, исцѣляющаго вся недуги твоя.

Избавляющаго отъ истлѣнія животъ твой, вѣнчающаго тя милостію и щедротами.

Исполняющаго во благихъ желаніе твое: обновится, яко орля, юность твоя.

Творяй милостыни Господь и судьбу всѣмъ обидимымъ.

Сказа пути Своя Моисеови, сыновомъ израилевымъ хотѣнія Своя.

Щедръ и милостивъ Господь, долготерпѣливъ и многомилостивъ.

Не до конца прогнѣвается, ниже во вѣкъ враждуетъ.

Не по беззаконіемъ нашимъ сотворилъ есть намъ, ниже по грѣхомъ нашимъ воздалъ есть намъ.

Яко по высотѣ небеснѣй отъ земли, утвердилъ  
есть Господь милость Свою на боящихся Его.

Елико отстоятъ востоцы отъ западъ, удалилъ  
есть отъ насъ беззаконія наша.

Якоже щедрить отецъ сыны, ущедри Господь  
боящихся Его.

Яко Той позна созданіе наше, помяну, яко персть  
есмы.

Человѣкъ, яко трава: дніе его, яко цвѣтъ сель-  
ный тако оцвѣтеть.

Яко духъ пройде въ немъ, и не будетъ, и не по-  
знаетъ ктому мѣста своего.

Милость же Господня отъ вѣка и до вѣка на  
боящихся Его и правда Его на сынѣхъ сыновъ,  
хранящихъ завітъ Его и помнящихъ заповѣди Его,  
творити я.

Господь на небеси уготова престолъ Свой, и цар-  
ство Его всѣми обладаетъ.

Благословите Господа вси ангели Его, сильніи  
крѣпостію, творящіи слово Его, услышати гласъ сло-  
весь Его.

Благословите Господа вся силы Его, слуги Его,  
творящіи волю Его.

Благословите Господа вся дѣла Его, на всякомъ  
мѣстѣ владычества Его.

Благослови, душе моя, Господа, и вся внутрен-  
няя моя—имя святое Его. Благословенъ еси, Господи!

Слава Отцу и Сыну и Святому Духу.

Хвали, душе моя, Господа. Воехвалю Господа въ животъ моемъ, пою Богу моему, дондеже есмь.

Не надѣйтесь на князи, на сыны человѣческія, въ нихъ же нѣсть спасенія.

Изыдетъ духъ его, и возвратится въ землю свою: въ той день погибнутъ вся помышленія его.

Блаженъ, емуже Богъ Іаковль помощникъ его, упованіе его на Господа Бога своего.

Сотворшаго небо и землю, море и вся яже въ нихъ.

Хранящаго истину въ вѣкъ, творящаго судъ обидимымъ, дающаго пищу алчущимъ.

Господь рѣшитъ окованныя, Господь умудряетъ слѣпцы, Господь возводитъ низверженныя, Господь любитъ праведники.

Господь хранитъ пришельцы, сира и вдову приметъ, и путь грѣшныхъ погубитъ.

Воцарится Господь во вѣкъ, Богъ твой, Сіоне, въ родъ и родъ.

И нынѣ и присно...

Единородный Сыне, и Слове Божій, безсмертенъ сый, и изволивый спасенія нашего ради воплотитися отъ Святыя Богородицы и Приснодѣвы Маріи, непреложно вочеловѣчивыйся, распныйся же, Христе Боже, смертію смерть поправый, Единъ Сый

Святѣя Троицы, прославляемый Отцу и Святому Духу, спаси насъ.

Во царствіи Твоемъ помяни насъ, Господи.

Блажени нищїи духомъ, яко тѣхъ есть царство небесное.

Блажени плачущїи, яко тїи утѣшатся,

Блажени кротцїи, яко тїи наслѣдятъ землю.

Блажени алчущїи и жаждущїи правды, яко тїи насытятся.

Блажени милостивїи, яко тїи помиловани будутъ.

Блажени чистїи сердцемъ, яко тїи Бога узрятъ.

Блажени миротворцы, яко тїи сынове Божїи нарекутся.

Блажени изгнани правды ради, яко тѣхъ есть царство небесное.

Блажени есте, егда поносятъ вамъ, и изженутъ, и рекутъ всякъ золь глаголъ, на вы лжуще Мене ради.

Радуйтеся и веселитесь, яко мзда ваша многа на небесѣхъ.

Прїидите поклонимся и припадемъ ко Христу. Спаси насъ, Сыне Божїй, воскресый изъ мертвыхъ (или: молитвами Богородицы, или: во святыхъ дивенъ сый), поющїя Ти: аллилуїа.

Прокимны. Гл. І. Буди, Господи, милость Твоя на насъ, якоже уповахомъ на Тя.



Гл. 2. Крѣпость моя и пѣніе мое Господь, и бысть мнѣ во спасеніе.

Гл. 3. Пойте Богу нашему, пойте, пойте Цареву нашему, пойте.

Гл. 4. Яко возвеличишася дѣла Твоя, Господи, вся премудростію сотворилъ еси.

Гл. 5. Ты, Господи, сохраниши ны, и соблюдеши ны отъ рода сего и во вѣкъ.

Гл. 6. Спаси, Господи, люди Твоя и благослови достояніе Твое.

Гл. 7. Господь крѣпость людемъ Своимъ дать, Господь благословить люди Своя миромъ.

Гл. 8. Помолитесь и воздадите Господеви Богу нашему.

Иже херувимы тайно образующе и Животворящей Троицѣ трисвятую пѣснь припѣвающе, всякое нынѣ житѣйское отложимъ попеченіе.

Яко да Царя всѣхъ подышемъ ангельскими невидимо дориносима чинми. Аллилуія (трижды).

Въ великій четвергъ. Вечери Твоя тайныя днесъ, Сыне Божій, причастника мя приими, не бо врагомъ Твоимъ тайну повѣмъ, ни лобзанія Ти дамъ, яко Іуда, но, яко разбойникъ, исповѣдую Тя: помяни мя, Господи, во царствіи Твоемъ.

Въ великую субботу. Да молчитъ всякая плоть человѣча, и да стоитъ со страхомъ и трепетомъ, и ничтоже земное въ себѣ да помышляетъ: Царь бо царствующихъ, и Господь господствующихъ, приходитъ заклатися и датися въ снѣдь вѣрнымъ. Предходятъ же сему лица ангельстѣи со всякимъ началомъ и властію, многоочитѣи херувими и шестокрылатѣи серафими, лица закрывающе и волююще пѣснь: аллилуія (трижды).

Отца и Сына и Святаго Духа, Троицу единосущную и нераздѣльную.

Вѣрую во единого Бога Отца Вседержителя, Творца небу и земли, видимымъ же всѣмъ и невидимымъ. И во единого Господа Іисуса Христа, Сына Божія, Единородного, Иже отъ Отца рожденнаго прежде всѣхъ вѣкъ: Свѣта отъ Свѣта, Бога истинна отъ Бога истинна, рожденна, несотворенна, единосущна Отцу, Имже вся быша. Насъ ради человекъ и нашего ради спасенія сшедшаго съ небесъ, и воплотившагося отъ Духа Свята и Маріи Дѣвы, и вочеловѣчшася. Распятаго же за ны при Понтийстѣмъ Пилатѣ, и страдавша, и погребенна. И воскресшаго въ третій день по Писаніемъ. И возшедшаго на небеса, и сѣдяща одесную Отца. И паче грядущаго со славою судити живымъ и мертвымъ, Его же царствію не будетъ конца. И въ

Духа Святаго, Господа животворящаго, Иже отъ Отца исходящаго, Иже со Отцемъ и Сыномъ спокланяема и сславима, глаголавшаго Пророки. Во едину святую соборную и апостольскую Церковь. Исповѣдую едино крещеніе во оставленіе грѣховъ. Чаю воскресенія мертвыхъ. И жизни будущаго вѣка. Аминь.

Милость мира, жертву хваленія.

И со духомъ твоимъ.

Имамы ко Господу.

Достойно и праведно есть покланятися Отцу и Сыну и Святому Духу, Троицѣ единосущнѣй и нераздѣльнѣй.

Святъ, Святъ, Святъ Господь Саваоеъ, исполнь небо и земля славы Твоея. Осанна въ вышнихъ! Благословенъ Грядый во имя Господне! Осанна въ вышнихъ!

Тебе поемъ, Тебе благословимъ, Тебе благодаримъ, Господи, и молимтися, Боже нашъ.

Достойно есть яко воистину блажити Тя, Богородицу, присноблаженную и пренепорочную и Матерь Бога нашего. Честнѣйшую херувимъ и славнѣйшую безъ сравненія серафимъ, безъ истаѣнія Бога Слова рождшую, сущую Богородицу Тя величаемъ.

На литургіи Василия Великаго. О Тебѣ радуется, Благодатная, всякая тварь, ангельскій соборъ и человѣческій родъ: освященный храмъ и раю словесный, дѣвственная похвало; изъ Нея же Богъ воплотися и Младенецъ бысть: прежде вѣкъ сый Богъ нашъ; ложесна бо Твоя престолъ сотвори и чрево Твое пространство небесъ содѣла. О Тебѣ радуется, Благодатная, всякая тварь, слава Тебѣ.

Отче нашъ, Иже еси на небесѣхъ! да святится имя Твое; да прійдетъ царствіе Твое; да будетъ воля Твоя, яко на небеси, и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

Единъ Святъ, единъ Господь, Іисусъ Христосъ, въ славу Бога Отца, Аминь.

Причастны:

Воскресный: Хвалите Господа съ небесъ, хвалите Его въ вышнихъ. Аллилуія (трижды).

Богородичный: Чашу спасенія пріиму и имя Господне призову.

Апостоловъ: Во всю землю изыде вѣщаніе ихъ и въ концы вселенныя глаголы ихъ.

Общій святыхъ: Въ память вѣчную будетъ праведникъ, отъ слуха зла не убоится.

Благословенъ грядый во имя Господне. Богъ Господь и явился намъ.

Видѣхомъ свѣтъ истинный, пріяхомъ Духа небеснаго, обрѣтохомъ вѣру истинную, нераздѣльнѣй Троицѣ поклоняемся, Та бо насъ спасла есть.

Да исполнятся уста наша хваленія Твоего, Господи, яко да поемъ славу Твою, яко сподобилъ еси насъ причаститися святымъ Твоимъ Божественнымъ, безсмертнымъ и животворящимъ Тайнамъ; соблюди насъ во Твоей святости, весь день поучатися правдѣ Твоей. Аллилуія (трижды).

Благочестивѣйшаго, Самодержавнѣйшаго Великаго Государя нашего Императора Николая Александровича всея Россіи, и Супругу Его Благочестивѣйшую Государыню Императрицу Александру Ѳеодоровну, Матеръ Его, Благочестивѣйшую Государыню Императрицу Марію Ѳеодоровну, Наслѣдника Его, Благовѣрнаго Государя Цесаревича и Великаго Князя Алексіи Николаевича, и весь Царствующій Домъ, Святѣйшій Правительствующій Синодъ и господина нашего Преосвященнѣйшаго (имя рекъ) и вся православныя христіаны, Господи, сохрани ихъ на многая лѣта.

---

## ПѢСНОПѢНІЯ всенощнаго бдѣнія.

Благослови, душе моя, Господа! Благословенъ еси, Господи!

Господи Боже мой, возвеличился еси зѣло. Благословенъ еси, Господи!

Во исповѣданіе и велелѣпоту облекся еси. Благословенъ еси, Господи!

На горахъ стануть воды. Дивна дѣла Твоя, Господи!

Посредѣ горъ пройдутъ воды. Дивна дѣла Твоя, Господи!

Вся премудростію сотворилъ еси. Слава Ти, Господи, сотворившему вся!

Блаженъ мужъ, иже не иде на совѣтъ нечестивыхъ. Аллилуія. (Аллилуія поется трижды и послѣ cadaго стиха).

Яко вѣсть Господь путь праведныхъ, и путь нечестивыхъ погибнетъ.

Работайте Господеву со страхомъ и радуйтесь Ему съ трепетомъ.

Блажени вси надѣющіися на нѣ.

Воскресни, Господи, спаси мя, Боже мой.

Господне есть спасеніе и на людехъ Твоихъ благословеніе Твое.

Аллилуія, аллилуія, аллилуія, слава Тебѣ, Боже! (трижды).

Господи, воззвахъ къ Тебѣ, услыши мя! Услыши мя, Господи. Господи, воззвахъ къ Тебѣ, услыши мя: воими гласу моленія моего, внемла воззвати ми къ Тебѣ Услыши мя, Господи!

Да исправится молитва моя, яко кадило предъ Тобою; воздѣянiе руку моею, жертва вечерняя. Услыши мя, Господи!

Изведи изъ темницы душу мою, исповѣдаться имени Твоему

Мене ждуть праведницы, дондеже воздаси мнѣ.

Изъ глубины воззвахъ къ Тебѣ, Господи, Господи, услыши гласъ мой. (См. далѣ стихиры на гласы).

---

Свѣте тихій святыхъ славы Безсмертнаго Отца небеснаго, святаго, блаженнаго, Иисусе Христе! Пришедше на западъ солнца, видѣвше свѣтъ вечерній, поемъ Отца, Сына, и Святаго Духа, Бога. Достоинъ еси во вся времена пѣтъ быти гласы подобными, Сыне Божій, живость дая; тѣмже міръ Тя славить.

Нынѣ отпускаеши раба Твоего, Владыко, по глаголу Твоему съ миромъ: яко видѣста очи мои спасеніе Твое, еже еси уготовалъ предъ лицемъ всѣхъ людей, свѣтъ во откровеніе языковъ и славу людей Твоихъ Израиля.

---

Богородице Дѣво, радуйся, Благодатная Маріе, Господь съ Тобою! Благословенна Ты въ женахъ, и благословенъ плодъ чрева Твоего, яко Спаса родила еси душъ нашихъ.

Буди имя Господне благословенно отъ нынѣ и до вѣка.

Богъ Господь и явился намъ, благословенъ грядый во имя Господне.

Хвалите имя Господне, хвалите раби Господа. Аллилуія. (Аллилуія поется трижды и послѣ каждаго стиха).

Благословенъ Господь отъ Сіона, живый во Іерусалимѣ.

Исповѣдайтесь Господеви, яко благъ, яко въ вѣкъ милость Его.

Благословенъ еси, Господи, научи мя оправданіемъ Твоимъ. (Поется предъ кажлымъ тропаремъ).

Ангельскій соборъ удивися, зря Тебе въ мертвыхъ вмѣнившася, смертную же, Спасе, крѣпость разоривша, и съ Собою Адама воздвигша, и отъ ада вся свободждаша.

Почто мѣра съ милостивыми слезами, о, ученицы, растворяете: блистая во гробѣ ангель мѣроносицамъ вѣщаше: видите вы гробъ и уразумѣйте Спасъ бо воскресе отъ гроба.



Зѣло рано мѣроносицы течаху ко гробу Твоему рыдающія, но предста къ нимъ ангелъ и рече: рыданія время преста, не плачнте, воскресеніе же апостоломъ рците.

Мѣроносицы жены, съ мѣры пришедшія ко гробу Твоему, Спасе, рыдаху; ангелъ же къ нимъ рече, глаголя: что съ мертвыми Живаго помышляете? Яко Богъ бо воскресе отъ гроба.

Слава. Поклонимся Отцу, и Его Сынови, и Святому Духу, Святѣй Троицѣ во единомъ существѣ, съ серафимы зовуще: Святъ, Святъ, Святъ, еси Господи.

И нынѣ. Жизнодавца рождши, грѣха, Дѣво, Адама избавила еси, радость же Евѣ въ печали мѣсто подала еси; падшія же отъ жизни къ сей направи, изъ Тебе воплотивыйся Богъ и человѣкъ.

Аллилуія, аллилуія аллилуія, слава Тебѣ, Боже (трижды).

Гл. 4. Отъ юности моя мнози борють мя страсти; но Самъ мя заступи и спаси, Спасе мой.

Слава. Ненавидящии Сіона, посрамитесь отъ Господа, яко трава бо огнемъ, будете изсохше.

И нынѣ. Святѣмъ Духомъ всяка душа живится, и чистотою возвышается, свѣтлѣется Тройческимъ Единствомъ священнотайнѣ.

Прокимны. Гл. 1. Нынѣ воскресну, глаголетъ Господь, положуся во спасеніе, не обвинюся о немъ.

Гл. 2. Востани, Господи Боже мой, повелѣніемъ, имже заповѣдалъ еси, и сонмъ людей обыдетъ Тя.

Гл. 3. Рцыте во языцѣхъ, яко Господь воцарися, ибо исправи вселенную, яже не подвижится.

Гл. 4. Воскресни, Господи, помози намъ и избави насъ имени Твоего ради.

Гл. 5. Воскресни, Господи Боже мой, да вознесется рука Твоя, яко Ты царствуеши во вѣки.

Гл. 6. Господи, воздвигни силу Твою, и прииди во еже спасти насъ.

Гл. 7. Воскресни, Господи Боже мой, да вознесется рука Твоя, не забуди убогихъ Твоихъ до конца.

Гл. 8. Воцарится Господь во вѣкъ, Богъ твой, Сіоне, въ родъ и родъ.

Воскресеніе Христово видѣвше, поклонимся Святому Господу Іисусу, единому безгрѣшному. Кресту Твоему поклоняемся, Христе, и святое воскресеніе Твое поемъ и славимъ; Ты бо еси Богъ нашъ, развѣ Тебе иного не знаемъ, имя Твое именуемъ. Приидите вси вѣрніи, поклонимся святому Христову воскресенію; се бо прииде Крестомъ радость всему міру, всегда благословяще Господа, поемъ воскресеніе Его, распятіе бо претерпѣвъ, смертію смерть разруши.

Слава. Молитвами Апостоловъ, Милостиве, очисти множество согрѣшеній нашихъ.

И нынѣ. Молитвами Богородицы, Милостиве, очисти множество согрѣшеній нашихъ.

Помилуй мя, Боже, по величѣй милости Твоей и по множеству щедротъ Твоихъ очисти беззаконіе мое.

Воскресъ Іисусъ отъ гроба, якоже прорече, даде намъ животъ вѣчный и велию милость.

Величить душа моя Господа, и возрадовася духъ мой о Бозѣ, Спасѣ моемъ.

Честнѣйшую херувимъ и славнѣйшую безъ сравненія серафимъ, безъ ислѣнія Бога Слова родшую, сущую Богородицу, Тя величаемъ. (Этотъ припѣвъ поется послѣ каждого стиха).

Яко призрѣ на смиреніе рабы Своея, се бо отнынѣ ублажать мя вси роди.


Яко сотвори мнѣ величіе Сильный, и свято имя Его, и милость Его въ роды родовъ боящимся Его.

Сотвори державу мышцею Своею, расточи гордыя мыслію сердца ихъ.

Низложи сильные со престолъ и вознесе смиренныя; алчущія исполни благъ, и богатящіяся отпусти тщи.

Воспріять Израиля отрока Своего, помянути милости, яко же глагола ко отцемъ нашимъ, Авраамъ и сѣмени его даже до вѣка.

1304919



Всякое дыханіе да хвалить Господа. Хвалите Господа съ небесъ, хвалите Его въ вышнихъ. Тебѣ подобаеть пѣснь Богу.

Слава и нынѣ. Препоблагословенна еси, Богородице Дѣво, Воплощшимбоя изъ Тебе адъ плѣнися, Адамъ воззвася, клятва потребися, Ева свободися, смерть умертвися, и мы ожихомъ. Тѣмъ воспѣвающе вопіемъ: благословенъ Христосъ Богъ, благоволивый тако, слава Тебѣ.

Слава въ вышнихъ Богу, и на земли миръ, въ человѣцѣхъ благоволеніе. Хвалимъ Тя, благословимъ Тя, кланяемтися, славословимъ Тя, благодаримъ Тя великія ради славы Твоея. Господи, Царю Небесный, Боже, Отче Вседержителю, Господи, Сыне Единородный Іисусе Христе, и Святый Душе. Господи Боже, Агнче Божій, Сыне Отець, взямый грѣхъ міра, помилуй насъ; взямый грѣхи міра, пріими молитву нашу; сѣдѣй одесную Отца, помилуй насъ; яко Ты еси единъ святъ, Ты еси единъ Господь, Іисусъ Христосъ, въ славу Бога Отца. Аминь.

На всякъ день благословлю Тя, и восхваляю имя Твое во вѣки и въ вѣкъ вѣка. Сподоби, Господи, въ день сей безъ грѣха сохранитися намъ. Благословенъ еси, Господи, Боже отецъ нашихъ, и хваально, и прославлено имя Твое во вѣки. Аминь.

Буди, Господи, милость Твоя на насъ, якоже уповахомъ на Тя.

Благословенъ еси, Господи, научи мя оправданіемъ Твоимъ! (трижды).

Господи, прибѣжище былъ еси намъ въ родъ и родъ. Азъ рѣхъ: Господи, помилуй мя, исцѣли душу мою, яко согрѣшихъ Тебѣ. Господи, къ Тебѣ прибѣгохъ, научи мя творити волю Твою, яко Ты еси Богъ мой; яко у Тебе источникъ живота, во свѣтъ Твоемъ узримъ свѣтъ. Пробави милость Твою вѣдущимъ Тя.

Днесъ спасеніе міру бысть, поемъ Воскресшему изъ гроба и Начальнику жизни нашея: разрушивъ бо смертію смерть, побѣду даде намъ и велию милость.

Воскресъ изъ гроба и узы растерзалъ еси ада, разрушилъ еси осужденіе смерти, Господи, вся отъ сѣтей врага избавивый: явивый же Себе апостоломъ Твоимъ, послалъ еси я на проповѣдь, и тѣмъ миръ Твой подалъ еси вселеннѣй, Едине Многомилостиве.

Утверди, Боже, Благочестивѣйшаго Самодержавнѣйшаго Великаго Государя нашего Императора Николая Александровича и святую Православную Вѣру, православныхъ Христіанъ, во вѣкъ вѣка.

На первомъ частѣ: Взбранной Воеводѣ (см. на празд. Благовѣщенія Пр. Богородицы).

# ПѢСНОПѢІЯ ВОСКРЕСНОЙ СЛУЖБЫ.

## ГЛАСТЬ 1.

Стих. на Госп. воз. Вечернія наша молитвы приими, святыи Господи, и подаждь намъ оставленіе грѣховъ, яко единъ еси явлей въ мірѣ воскресеніе.

Обыдите, людіе, Сіонъ, и обымите его, и дадите славу въ немъ Воскресшему изъ мертвыхъ: яко Той есть Богъ нашъ, избавлей насъ отъ беззаконій нашихъ.

Приидите, людіе, воспоимъ, и поклонимся Христу, славяще Его изъ мертвыхъ воскресеніе: яко Той есть Богъ нашъ, отъ прелести вражія міръ избавлей.

Догматикъ. Всемірную славу, отъ человекъ прозябшую, и Владыку рождшую, небесную дверь воспоимъ Марію Дѣву, безплотныхъ пѣснь и вѣрныхъ удобреніе, сія бо явился небо и храмъ Божества, сія прегражденіе вражды разрушивши, миръ введе и царствіе отверзе. Сію убо имуще вѣры утвержденіе, поборника имамы изъ нея рождшагося Господа. Держайте убо, держайте, людіе Божіи: ибо Той побѣдитъ враги, яко всесилень.

Стихиры на стиховнѣ. Страстію Твоею, Христе, отъ страстей свободихомся, и воскресеніемъ Твоимъ изъ истлѣнія избавихомся, Господи, слава Тебѣ.

Слава и нынѣ. Се исполнися Исаиино прореченіе, Дѣва бо родила еси, и по рождествѣ яко пре-

жде рожества пребыла еси: Богъ бо бѣ рождейся, тѣмже и естества новопресѣче. Но, о, Богомати, моленія Твоихъ рабовъ, въ Твоемъ храмѣ приносимая Тебѣ, не презри; но, яко Благоутробнаго Твоима рукама носящи, на Твоя рабы умилисердися, и моли спастися душамъ нашимъ.

Тропарь. Камени запечатану отъ іудей, и воиномъ стрегущимъ Пречистое Тѣло Твое, воскресъ еси, тридневный Спасе, даруяй мірови жизнь. Сего ради силы небесныя воіяху Ти, Жизнодавче: слава воскресенію Твоему, Христе; слава царствію Твоему; слава смотренію Твоему, едине Человѣколюбче.

Богородиченъ. Гавріилу вѣщавшу Тебѣ, Дѣво, радуйся, со гласомъ воплощашеся всѣхъ Владыка, въ Тебѣ святѣмъ кѣлотѣ, яко же рече праведный Давидъ: явилася еси ширшая небесъ, поносивши Зиждителя Твоего. Слава Всельшемуся въ Тя; слава Прощедшему изъ Тебе; слава Свободившему насъ рождествомъ Твоимъ.

Ирмосы. 1. Твоя побѣдительная десница боголѣпно въ крѣпости прославися: та бо, Безсмертне, яко всемогущая, противныя сотре, израильтяномъ путь глубины новосодѣлавшая.

3. Едине вѣдый человѣческаго существа немощь, и милостивно въ не воображая, препояши мя съ высоты силою, еже вопити Тебѣ, Святый: одушевленный храмъ неизреченныя славы Твоя, Человѣколюбче.

4. Гору Тя благодатию Божіею пріосѣненную, прозорливима Аввакумъ усмотривъ очима, изъ Тебе изыти Израилеву провозглашаше Святому, во спасеніе наше и обновленіе.

5. Просвѣтивый сіяніемъ пришествія Твоего, Христе, и освѣтивый крестомъ Твоимъ міра концы, сердца просвѣти свѣтомъ Твоего богоразумія, православно поющихъ Тя.

6. Обыде насъ послѣдняя бездна, нѣсть избавляй, вмѣнихомся яко овцы заклєнія; спаси люди Твоя, Боже нашъ: Ты бо крѣпость немощствующихъ и исправленіе.

7. Тебе умную, Богородице, пещь разсмотримъ вѣрніи: якоже бо отроки спасе три превозносимый, міръ обнови во чревѣ Твоемъ всецѣль, хвальный отецъ Богъ и препрославленъ.

8. Въ пещи отроцы израилевы, якоже въ горнилѣ добротою благочестія, чистѣ злата блещахуса, глаголюще: благословите, вся дѣла Господня Господа, пойте и превозносите во вся вѣки.

9. Образъ чистаго рождества Твоего, огнепалимая купина показа неопальная; и нынѣ на насъ напастей свирѣпѣющую угасити молимся пещь, да Тя, Богородице, непрестанно величаемъ.

---

## ГЛАСЪ 2.

Стих. Господи воз. Прежде вѣкъ отъ Отца рождшемуся Божію Слову, воплощшемуся отъ Дѣвы



Маріи, приидите поклонимся: крестъ бо претерпѣвъ, погребенію предадесе, яко Самъ восхотѣ, и воскресъ изъ мертвыхъ, спасе мя, заблуждающаго человѣка.

Христосъ Спасъ нашъ, еже на ны рукописаніе пригвоздивъ на крестѣ заглади, и смертную державу упраздни; поклоняемся Его тридневному воскресенію.

Со архангелы воспоимъ Христово воскресеніе. Той бо есть Избавитель и Спасъ душъ нашихъ, и въ славѣ страшнѣй и крѣпчѣй силѣ, паки грядетъ судити міру, его же созда.

Догматикъ. Прейде сѣнь законная, благодати пришедши: якоже бо купина не сгараше опаляема, тако Дѣво родила еси и Дѣва пребыла еси: вмѣсто столпа огненнаго—праведное возсія Солнце: вмѣсто Моисея—Христосъ, спасеніе душъ нашихъ.

На стиховнѣ. Воскресеніе Твое, Христе Спасе, всю просвѣти вселенную, и призвалъ еси Твое созданіе, всесильне Господи, слава Тебѣ.

Слава и нынѣ. О, чудесе новаго всѣхъ древнихъ чудесъ! Кто бо позна Матерь безъ мужа рождшую, и на руку носящую, всю тварь содержащаго? Божіе есть изволеніе, рождающееся; Его же, яко младенца, Пречистая, Твоима руками носившая, и матернее дерзновеніе къ Нему имущая, не престай молящи о чтущихъ Тя, ущедрити и спасти души наша.

Тропарь. Егда снизшелъ еси къ смерти, Животе безсмертный, тогда адъ умертвилъ еси блистаніемъ Божества; егда же и умершія отъ преиспод-

нихъ воскресилъ еси, вся силы небесныя взываху: Жизнодавче Христе Боже нашъ, слава Тебѣ.

**Богородиченъ.** Вся паче смысла, вся преславная Твоя, Богородице, таинства, чистотѣ запечатанной, и дѣвству храниму, мати позналася еси не ложна, Бога рождши истиннаго; Того моли спастися душамъ нашимъ.

**Ирмосы.** I. Во глубинѣ постла иногда, фараонитское всевоинство преоруженная сила; воплощенное же Слово всезлобный грѣхъ потребило есть, прославленный Господь, славно бо прославися.

3. Процвѣла есть пустыня, яко кринъ, Господи, языческая неплодящая церковь, пришествіемъ Твоимъ, въ ней же утвердися мое сердце.

4. Пришелъ еси отъ Дѣвы, не ходатай, ни ангелъ, но Самъ, Господи, воплощся, и спаслъ еси всего мя человѣка. Тѣмъ зову Ти: слава силѣ Твоей, Господи.

5. Ходатай Богу и человѣкомъ былъ еси, Христе Боже; Тобою бо, Владыко, къ Свѣтоначальнику Отцу Твоему, отъ нощи невѣдѣнія приведеніе имамы

6. Въ безднѣ грѣховнѣй валяся, неизслѣдную милосердія Твоего призываю бездну: отъ тли, Боже, мя возведи.

7. Богопротивное велѣніе беззаконнующаго мучителя высокъ пламень вознесло есть; Христосъ же простре богочестивымъ отрокомъ росу духовную, сый благословенъ и препрославленъ.

8. Пещь иногда огненная въ Вавилонѣ дѣйства раздѣляше, Божиимъ велѣніемъ халдеи опаляющая, вѣрныя же орошающая, поющія: благословите, вся дѣла Господня, Господа.

9. Безначальна Родителя Сынъ, Богъ и Господь, воплощся отъ Дѣвы намъ явися, омраченная просвѣтити, собрати расточенная; тѣмъ всепѣтую Богородицу величаемъ.

### ГЛАСЬ 3.

Стих. Госп. воз. Твоимъ крестомъ, Христе Спасе, смерти держава разрушися. и діаволя прелесть упразднися; родъ же человѣческій вѣрою спасаемый, пѣснь Тебѣ всегда приносить.

Просвѣтишася всяческая воскресеніемъ Твоимъ, Господи, и рай паки отверзется; вся же тварь восхваляющи Тя, пѣснь Тебѣ всегда приносить.

Славлю Отца и Сына силу, и Святаго Духа пою власть, нераздѣльное, несозданное Божество, Троицу единосущную, царствующую во вѣкъ вѣка.

Догматикъ. Како не дивимся богомужному рождеству Твоему, пречестная? искушенія бо мужскаго не приемиши, всенепорочная, родила еси безъ отца Сына плотію, прежде вѣкъ отъ Отца рожденнаго безъ матере, никакоже претерпѣвшаго измѣненія или смѣшенія или раздѣленія, но обою существу свойство цѣло сохранишаго. Тѣмже, Мати Дѣво Владычице, Того моли спастися душамъ, православно Богородицу исповѣдающихъ Тя.

На стих. Страстію Твоею, Христе, омрачивый солнце, и свѣтомъ Твоего воскресенія, просвѣтивый всяческая, пріими нашу вечернюю пѣснь, Человѣколюбче.

Слава и нынѣ. Безъ сѣмене отъ Божественнаго Духа, волею же Отчею зачала еси Сына Божія, отъ Отца безъ матере прежде вѣкъ суща: насъ же ради изъ Тебе безъ отца бывша, плотію родила еси, и младенца млекою питала еси, тѣмже не престай молити, избавитися отъ бѣдъ душамъ нашимъ.

Тропарь. Да веселятся небесная, да радуются земная: яко сотвори державу мышцею Своею Господь, попра смертію смерть, первенецъ мертвыхъ бысть, изъ чрева адова избави насъ, и подаде мірови велію милость.

Богородичень. Тя ходатайствовавшую спасеніе рода нашего, воспѣваемъ Богородице Дѣво, плотію бо отъ Тебе воспріято Сынъ Твой и Богъ нашъ. крестомъ воспріимъ страсть, избави насъ отъ тли яко Человѣколюбецъ.

Ирмосы. 1. Воды древле, маніемъ Божественнымъ, во едино сонмище совокупивый, и раздѣливый море израильтескимъ людемъ, сей Богъ нашъ, препрославленъ есть; Тому единому поимъ, яко прославися.

3. Иже отъ несущихъ вся приведый, Словомъ созидаемая, совершаемая Духомъ, Вседержителю Вышній, въ любви Твоей утверди мене.

4. Положилъ еси къ намъ твердую любовь Господи, Единороднаго бо Твоего Сына за ны на смерть далъ еси. Тѣмже Ти зовемъ благодаряще: слава силѣ Твоей, Господи.

5. Къ Тебѣ утренюю, всѣхъ Творцу, преимуществу всякъ умъ Мирови, зане свѣтъ повелѣнія Твоя; въ нихже настави мя.

6. Бездна послѣдняя грѣховъ обыде мя, и исчезаетъ духъ мой; но прострый, Владыко, высокую Твою мышцу, яко Петра мя, Управителю, спаси.

7. Якоже древле благочестивыя три отроки оросилъ еси въ пламени халдейстѣмъ, свѣтлымъ Божества огнемъ и насъ озари, благословенъ еси, зывающія, Боже отецъ нашихъ.

8. Нестерпимому огню соединившеся, богочестія предстояще юноши, пламенемъ же невреждени, Божественную пѣснь пояху: благословите, вся дѣла Господня, Господа, и превозносите во вся вѣки.

9. Новое чудо и боголѣпное! Дѣвическую бо дверь затвореную явѣ проходитъ Господь, нагъ во входѣ, и плотоносецъ явился во исходѣ Богъ, и пребываетъ дверь затворена. Сію неизрѣченно, яко Богоматерь, величаемъ.

---

#### ГЛАСЬ 4.

Стих. Госп. воз. Животворящему Твоему кресту, непрестанно кланяющеся, Христе Боже, тридневное воскресеніе Твое славимъ: тѣмъ бо обновилъ еси истлѣвшее человѣческое естество, Всесильне, и

иже на небеса восходъ обновилъ еси намъ, яко единъ благъ и челоувѣколюбецъ.

Древа преслушанія запрещеніе разрѣшилъ еси, Спасе, на древѣ крестѣмъ волею пригвоздився, и во адъ сошедъ, Сильне, смертныя узы, яко Богъ, растерзалъ еси; тѣмже кланяемся еже изъ мертвыхъ Твоему воскресенію, радостию вопіюще: все-сильне Господи, слава Тебѣ.

Врата адова сокрушилъ еси Господи, и Твоею смертію смертное царство разрушилъ еси; родъ же челоувѣческій отъ истлѣнія свободилъ еси, животъ и нетлѣніе міру даровавъ, и велію милость.

Догматикъ. Иже Тебе ради богоотецъ пророкъ Давидъ пѣсенно о Тебѣ провозгласи, величія Тебѣ Сотворшему: предста царица одесную Тебе, Тя бо, Матерь, ходатаицу живота показа, безъ отца изъ Тебе вочелоувѣчитися благоволивый Богъ, да Свой паки обновитъ образъ, истлѣвшій страстьми, и заблудшее горохищное обрѣтъ овча, на рамо воспріимъ, ко Отцу принесетъ, и Своему хотѣнію, съ небесными совокупить силами, и спасетъ, Богородице, міръ, Христосъ, имѣяй велію и богатую милость.

На стих. Господи, возшедъ на крестъ, прадѣдную нашу клятву потребиъ еси, и сошедъ во адъ, вѣчныя узники свободилъ еси, нетлѣніе даруя челоувѣческому роду; сего ради поюще славимъ животворящее и спасительное Твое востаніе.

Слава и нынѣ. Призри на моленія Твоихъ рабъ, всенепорочная, утоляющи люта на ны воста-

нія, всякія скорби насъ измѣняючи: Ты бо едину твердое и извѣстное утвержденіе имаы, и Твое предстательство стяжахомъ, да не постыдимся, Владычице, Ты призывающіи, потщися на умоленіе Тебѣ вѣрно вопіющихъ: радуйся, Владычице, всѣхъ помощи, радости и покрове, и спасеніе душъ нашихъ.

Тропарь. Свѣтлую воскресенія проповѣдь отъ ангела увѣдѣвъшя Господня ученицы, и прадѣднее осужденіе отвергши, апостоломъ хвалящися глаголаху: испровержеса смерть, воскресе Христосъ Богъ, даруяй мірови велію милость.

Богородичень. Еже отъ вѣка утаенное, и ангеломъ несвѣдомое таинство, Тобою, Богородице, сущимъ на земли явіся Богъ, въ неслитномъ соединеніи воплощаемъ, и крестъ волею насъ ради воспріимъ, имже воскресивъ первозданнаго, спасе отъ смерти души наша.

Ирмосы. Моря чермную пучину невлажными стопами, древній пѣшествовавъ Израиль, крестообразныма Моисеовыма руками, Амаликову силу въ пустыни побѣдилъ есть.

3. Веселится о Тебѣ Церковь Твоя, Христе, зовущи: Ты моя крѣпость, Господи, и прибѣжище, и утвержденіе.

4. Вознесена Ты видѣвши Церковь на крестѣ, Солнце праведное, ста въ чинѣ своемъ, достойно взываючи: слава силѣ Твоей, Господи.

5. Ты, Господи мой, свѣтъ въ міръ пришелъ еси, свѣтъ святой, обращаѣй изъ мрачна невѣдѣнія вѣрою воспѣвающихъ Тя.

6. Пожру Ти со гласомъ хваленія Господи, Церковь воніетъ Ти, отъ бѣсовскія крове очищшися, ради милости отъ ребръ Твоихъ истекшею кровію.

7. Въ пещи авраамстѣи отроцы персидстѣй, любовію благочестія паче, нежели пламенемъ опаляеми, взываху: благословенъ еси въ храмъ славы Твоея, Господи.

8. Руцѣ распростеръ Даниилъ, львовъ зіянія въ ровѣ затче, огненную же силу угасиша, добродѣтелию препоясавшеся, благочестія рачители отроцы, взывающе: благословите, вся дѣла Господня, Господа.

9. Камень нерукобѣдный, отъ несѣкомыя горы Тебе, Дѣво, краеугольный отсѣчеся, Христось, совокупный разстоящаяся естества. Тѣмъ веселящеся Тя, Богородице, величаемъ.

---

### ГЛАСЪ 5.

Стих. Госп. воз. Честнымъ Твоимъ крестомъ, Христе, діавола посрамилъ еси и воскресеніемъ Твоимъ жало грѣховное притупилъ еси, и спаслъ еси ны отъ вратъ смертныхъ: славимъ Тя, Единородне.

Воскресеніе даѣй роду человѣческому, яко овча на заклєніе ведєся, устрашишася сего князи адстѣи, и взяшася врата плачевная; вииде бо Царь Славы



Христосъ, глаголя сущимъ во узахъ—изыдите, и сущимъ во тьмѣ—открыйтеся.

Веліе чудо невидимыхъ Содѣтель, за человеколюбіе плотію пострадавъ, воскресе безсмертный; пріидите отечествія языкъ, Тому поклонимся: благоутробіемъ бо Его отъ прелести избавльшеся, въ тріехъ ипостасѣхъ единого Бога пѣти навыхомъ.

Догматикъ. Въ Чермнѣмъ мори, неискусобрачныя невѣсты образъ написася иногда: тамо Моисей—раздѣлитель воды, здѣ же Гавріилъ—служитель чудесе; тогда глубину шествова немокренно Израиль, нынѣ же Христа роди безсѣменно Дѣва; { море по прошествіи Израилевъ пребысть непроходно, Непорочная по рождествѣ Еммануилевъ пребысть нетлѣнна. Сый и прежде сый, явлейся, яко человекъ, Боже, помилуй насъ.

На стих. Тебѣ воплощеннаго, Спаса Христа, и небесъ не разлучившася, во гласѣхъ пѣній величаемъ: яко крестъ и смерть пріялъ еси за родъ нашъ, яко человеколюбецъ Господь, испровергій адава врата, тридневно воскреслъ еси, спасая души наша.

Слава и нынѣ. Храмъ и дверь еси, палата и престолъ Царевъ, Дѣво всечестная, ею же избавитель мой Христосъ Господь, во тьмѣ спящимъ явися, солнце сый правды, прозвѣтити хотя, яже созда по образу своему рукою своею; тѣмже Всепѣтая, яко матернее дерзновеніе къ Нему стяжавшая, непрестанно моли спастися душамъ нашимъ.

Тропарь. Собезначальное Слово Отцу и Духови. отъ Дѣвы рождшееся на спасеніе наше, воспоимъ, вѣрніи, и поклонимся: яко благоволи плотію взыти на крестъ, и смерть претерпѣти, и воскресити умершія славнымъ воскресеніемъ Своимъ.

Богородиченъ. Радуйся, двере Господня непроходимая; радуйся, стѣно и покрове притекающихъ къ Тебѣ; радуйся, необуреваемое пристанище. и нескусобрачная, рождающая плотію Творца Твоего и Бога; молящи не оскудѣвай о воспѣвающихъ, и кланяющихся рождеству Твоему.

Ирмосы І. Коня и всадника въ море Чермное. сокрушаяй брани мышцею высокою, Христосъ истряссе, Израиля же спасе, побѣдную пѣснь поюща.

3. Водрузивый на ничесомже землю повелѣніемъ Твоимъ, и повѣсивый неодолимо тяготѣющую, на недвижимѣмъ, Христе, камени заповѣдей Твоихъ, Церковь Твою утверди, едине Блаже и Человѣколюбче.

4. Божественное Твое разумѣвъ истощаніе, прорзорливо Аввакумъ, Христе, со трепетомъ вопіаше Тебѣ: во спасеніе людей Твоихъ, спасти помазанныя Твоя пришелъ еси.

5. Одѣяйся свѣтомъ, яко ризою, къ Тебѣ утреннюю и Тебѣ зову: душу мою просвѣти омраченную, Христе, яко единъ благоутробенъ.

6. Неистовствующеся бурей душетлѣнною, Владыко Христе, страстей море укроти, и отъ тли возведи мя, яко благоутробенъ.

7. Превозносимый отцевъ Господь, пламень угаси, отроки ороси, согласно поющія: Боже, благословенъ еси.

8. Тебѣ, Вседѣтелю, въ пещи отроцы, всемірный ликъ сплетше, пояху: дѣла всякая, Господа пойте, и превозносите во вся вѣки.

9. Исаіе, ликуй, Дѣва имѣ во чревѣ и роди Сына Еммануила, Бога же и человѣка, Востокъ имя Ему; Его же величающе, Дѣву ублажаемъ.

---

## ГЛАСЬ 6.

Стих. Гос. воз. Побѣду имѣя, Христе, юже на ада, на крестъ возшелъ еси, да во тѣмъ смерти сѣдящія воскресиши съ Собою; Иже въ мертвыхъ свободъ, источаяй животъ отъ Своего свѣта, всесильне Спасе, помилуй насъ.

Днесъ Христосъ смерть поправъ, якоже рече, воскресе, и радованіе мірови дарова, да вси зывающе, пѣснь тако рцемъ: Источниче жизни, неприступный Свѣте, всесильне Спасе, помилуй насъ.

Тебе, Господи, сущаго по всей твари, грѣшніи камо бѣжимъ? на небеси Самъ живещи, во адѣ попраля еси смерть; въ глубины морскія? тамо рука Твоя, Владыко; къ Тебѣ прибѣгаемъ, Тебѣ припадающе молимся: воскресый изъ мертвыхъ, помилуй насъ.

Догматикъ. Кто Тебе не ублажить, пресвятая Дѣво? Кто ли не воспоетъ Твоего пречистаго рожде-

ства? Безлѣтно бо отъ Отца возсіявый Сынъ Единородный. Той же отъ Тебе чистыя пройде, неизреченно воплощся, хестествомъ Богъ сый, и естествомъ бывъ чловѣкъ насъ ради, не во двою лицу раздѣляемый, но во двою естеству неслитно познаваемый. Того моли, чистая, всеблаженная, помиловатися душамъ нашимъ.

На стих. Воскресеніе Твое, Христе Спасе, ангели поютъ на небесѣхъ, и насъ на земли сподоби, чистымъ сердцемъ Тебе славити.

Слава и нынѣ. Творецъ и избавитель мой. пречистая, Христось Господь изъ Твоихъ ложеснъ прошедъ, въ мя оболкійся, первыя клятвы Адама свободы; тѣмже Ти, всечистая, яко Божіи Матери же и Дѣвѣ, воистину вопіемъ не молчно: радуйся ангельски, радуйся Владычице, предстательство и покрове и спасеніе душъ нашихъ.

Тропарь. Ангельскія силы на гробѣ Твоемъ, и стрегущіи омертвѣша, и стояше Марія во гробѣ, ищущи пречистаго тѣла Твоего. Плѣнилъ еси адъ, не искусився отъ него; срѣтилъ еси Дѣву; даруяй животъ. Воскресый изъ мертвыхъ, Господи, слава Тебѣ.

Богородичень. Благословенную нарекій Твою Матерь, пришелъ еси на страсть вольнымъ хотѣніемъ, возсіявъ на крестѣ, взыскати хотя Адама, глаголя ангеламъ: срадуйтеся Мнѣ, яко обрѣтесе погибшая драхма; вся мудрѣ устроивый, Боже нашъ, слава Тебѣ.

Ирмосы. 1. Яко по суху пѣшешествовавъ Израиль, по безднѣ стопами, гонителя фараона видя потопляема, Богу побѣдную пѣснь поимъ, вопіаше.

3. Нѣсть святъ, якоже Ты, Господи Боже мой, вознесый рогъ вѣрныхъ Твоихъ, Блаже, и утвердивый насъ на камени исповѣданія Твоего.

4. Христосъ моя сила, Богъ и Господь, честная Церковь боголѣпно поетъ, взываючи, отъ смысла чиста о Господѣ празднующи.

5. Божіимъ свѣтомъ Твоимъ, Блаже, утренюющихъ Ти души любовію озари, молюся, Тя вѣдѣти, Слове Божій, истиннаго Бога, отъ мрака грѣхознаго взывающа.

6. Житейское море, воздвигаемое зря напастей бурю, къ тихому пристанищу Твоему притекъ, вопію Ти: возведи отъ тли животъ мой, Многомилостиве.

7. Росодательну убо пещь содѣла ангелъ преподобнымъ отрокомъ, халдеи же опаляющее велѣніе Божіе, мучителя увѣща вопити: благословенъ еси, Боже отецъ нашихъ.

8. Изъ пламене преподобнымъ росу источилъ еси, и праведнаго жертву водою попалилъ еси: вся бо твориши, Христе, токмо еже хотѣти. Тя превозносимъ во вся вѣки.

9. Бога человѣкомъ невозможно видѣти, на Него же не смѣютъ чини ангельстїи взирати; Тобою же, всечистая, явися человѣкомъ Слово воплощенно, Его же величающе, съ небесными вои Тя ублажаемъ.

---

## ГЛАСЪ 7.

Стих. Гос. воз. Приидите, возрадуемся Господеви, сокрушившему смерти державу, и просвѣтившему человѣческій родъ, со безплотными зовуще: Содѣтелю и Спасе нашъ, слава Тебѣ.

Крестъ претерпѣлъ еси, Спасе, и погребеніе насъ ради, смертію же яко Богъ смерть умертвилъ еси; тѣмже поклоняемся тридневному воскресенію Твоему; Господи, слава Тебѣ.

Апостоли. видѣвше воскресеніе Содѣтеля, чюдяхуся, поюще хвалу ангельскую; сія слава есть церковная, сіе богатство царствія; пострадавый насъ ради, Господи, слава Тебѣ.

Догматикъ. Мати убо позналася еси, паче естества, Богородице, пребыла же еси Дѣва, паче слова и разума: и чудесе рождества Твоего сказать языкъ не можетъ, преславно бо сущу зачатію, Чистая. непостиженъ есть образъ рожденія; идѣже бо хочетъ Богъ, побѣждается естества чинъ; тѣмже Тя вси Матерь Божію вѣдуще, молимтися прилежно, моли спастися душамъ нашимъ.

На стих. Воскреслъ еси изъ гроба, Спасе міра, и совоздвиглъ еси человѣки съ плотію Твоею, Господи, слава Тебѣ.

Слава и нынѣ. Подъ кровь Твой, Владычице, вси земнородніи прибѣгающе, воніемъ Ти: Богородице упованіе наше, избави ны отъ безмѣрныхъ прегрѣшеній, и спаси души наша.

**Тропарь.** Разрушилъ еси крестомъ Твоимъ смерть, отверзлъ еси разбойнику рай, мѣроносицамъ плачь предложилъ еси, и апостоломъ проповѣдати повелѣлъ еси; яко воскреслъ еси, Христе Боже, даруяй мірови велію милость.

**Богородичень.** Яко нашего воскресенія сокровище, на Тя надѣющіися, всепѣтая, отъ рова и глубины прегрѣшеній возведи: Ты бо новинныя грѣху спасла еси, рождши спасеніе наше, яже прежде рождества Дѣва, и въ рождествѣ Дѣва, и по рождествѣ паки пребываеши Дѣва.

**Ирмосы.** 1. Маниемъ Твоимъ на земный образъ предложися, прежде удоборазливаемое водное естество, Господи; тѣмже немокренно пѣшествовавъ Израиль, поеть Тебѣ пѣснь побѣдную.

3. Въ началѣ небеса всесильнымъ словомъ Твоимъ утверждаей, Господи Спасе, и вседѣтельнымъ и Божіимъ Духомъ всю силу ихъ, на недвижимѣмъ мя камени исповѣданія Твоего утверди.

4. Отча нѣдра не оставь, и сошедъ на землю, Христе Боже, тайну услышахъ смотрѣнія Твоего, и прославихъ Тя, едине Человѣколюбче.

5. Ночь не свѣтла невѣрнымъ, Христе, вѣрнымъ же просвѣщеніе въ радости словесъ Твоихъ; сего ради къ Тебѣ утреннюю, и воспѣваю Твое Божество.

6. Плавающего въ молвѣ житейскихъ попеченій, съ кораблемъ потопляема грѣхи, и душетлѣн-

ному звѣрю приметаема, яко Іона, Христе, вопію Ти: изъ смертоносныя глубины возведи мя.

7. Пещь отроцы огнепальну древле росоточашу показаша, единого Бога воспѣвающе и глаголюще: превозносимый отцевъ Богъ и препрославленъ.

8. Неопальная огню въ Синаи причащшаяся купина Бога яви, медленноязычному и гутнивому Моисеови, и отроки ревность Божія три непреборимыя во огни пѣвцы показа: вся дѣла Господня, Господа пойте, и превозносите во вся вѣки.

9. Нетлѣнія искушеніемъ рождающая, и всехитрецу Слову плоть взаимодававшая, Мати неискусомужная, Дѣво Богородице; пріятелище Нестерпимаго, село Невмѣстимаго Зиждителя Твоего Тя ве-  
личаемъ.

## ГЛАСЪ 8.

Стих. Гос. воз. Вечернюю пѣснь и словесную службу, Тебѣ, Христе, приносимъ: яко благоволилъ еси помиловати насъ воскресеніемъ.

Господи, Господи, не отвергни насъ отъ Твоего лица, но благоволи помиловати насъ воскресеніемъ.

Радуйся, Сіоне святой, мати церквей, Божіе жилище: ты бо пріямъ еси первый оставленіе грѣховъ воскресеніемъ.

Догматикъ. Царь небесный за челоуѣколюбіе на земли явися, и съ челоуѣки поживе: отъ Дѣвы бо чистыя плоть пріемый, и изъ нея прошедый съ



воспріятель; единъ есть Сынъ, сугубъ естествомъ, но не вѣпостасію; тѣмъже совершенна Того Бога и совершенна человѣка воистинну проповѣдающе, исповѣдуемъ Христа Бога нашего, Его же моли, Мати безневѣстная, помиловатися душамъ нашимъ.

На стих. Возшелъ еси на крестъ, Исусе, низшедый съ небесе; пришелъ еси на смерть, Животе безсмертный, къ сущимъ во тьмѣ, Свѣтъ истинный; къ падшимъ всѣхъ воскресеніе, просвѣщеніе и Спасе нашъ, слава Тебѣ.

Слава и нынѣ. Безневѣстная Дѣво, яже Бога неизреченно зачениши плотію, Мати Бога вышняго, Твоихъ рабовъ мольбы пріими, всенепорочная, всѣмъ подающи очищеніе прегрѣшеній; нынѣ наша моленія пріемлющи, моли спастися всѣмъ намъ.

Тропарь. Съ высоты низшелъ еси, Благоутробне, погребеніе пріялъ еси тридневное, да насъ свободиши страстей, Животе и Воскресеніе наше, Господи, слава Тебѣ.

Богородичень. Иже насъ ради рождеиша отъ Дѣвы, и распятіе претерпѣвъ благій, испровергій смертію смерть, и воскресеніе явлей яко Богъ, не презри яже создалъ еси рукою Твоею; яви человѣколюбіе Твое, милостиве; пріими рождшую Тя Богородицу, молящуюся за ны, и спаси, Спасе нашъ, люди отчаянныя.

Ирмосы. 1. Колесницегонителя фараона погрузи, чудотворяя иногда мойсейскій жезлъ, крестооб-

разно поразивъ, и раздѣливъ море; Израиля же, бѣглеца пѣшеходца, спасе, пѣснь Богови воспѣвающа.

3. Утверждей въ началѣ небеса разумомъ, и землю на водахъ основавый, на камени мя, Христе, заповѣдей Твоихъ утверди, яко нѣсть святъ, паче Тебе, едине Человѣколюбче.

4. Ты моя крѣпость, Господи, Ты моя и сила, Ты мой Богъ, Ты мое радованіе, не оставь нѣдра Отца, и нашу нищету посѣтивъ; тѣмъ съ пророкомъ Аввакумомъ зову Ти: силѣ Твоей слава, Человѣколюбче.

5. Вскую мя отринулъ еси отъ лица Твоего, Свѣте незаходимый, и покрыла мя есть чуждая тьма, окаяннаго; но обрати мя и къ свѣту заповѣдей Твоихъ пути моя направи, молюся.

6. Очисти мя, Спасе, многа бо беззаконія моя, и изъ глубины золь возведи, молюся: къ Тебѣ бо возопихъ, и услыши мя, Боже спасенія моего.

7. Божія снисхожденія огнь устыдѣся въ Вавилонѣ иногда, сего ради отроцы въ пещи радованною ногою, яко во цвѣтницѣ, ликующе пояху: благословенъ еси, Боже отецъ нашихъ.

8. Седмерицею пещь халдейскій мучитель богочестивымъ неистовно разжже, силою же лучшею спасены сія видѣвъ, Творцу и Избавителю воніяше: отроцы, благословите; священники, воспойте; людие, превозносите во вся вѣки.

9. Ужасеся о семъ небо, и земли удивишася концы, яко Богъ явился человѣкомъ плотски, и чре-

во Твое бысть пространнѣйшее небесъ; тѣмъ Тя, Богородицу, ангеловъ и челоуѣкъ чиноначаліа величаютъ.

---

## Катавасія

Отверзу уста. Гласъ 4.

Ирмосы, 1. Отверзу уста моя, и наполнятся Духа, и слово отыгну Царицѣ Матери, и явлюся свѣтло торжествуя, и воспою, радуйся, Тоя чудеса.

3. Твоя пѣснословцы, Богородице, живыи и независтный источниче, ликъ себѣ совокупльшіа духовно утверди, въ божественнѣй Твоей славѣ вѣнцевъ славы сподоби.

4. Сѣдый въ славѣ, на престолѣ Божества, во облацѣ легцѣ, прииде Іисусъ пребожественный, нетлѣнною дланію, и спасе зовущія: слава, Христе, силѣ Твоей.

5. Ужасошася всяческая о Божественнѣй славѣ Твоей, Ты бо, неискусобрачная Дѣво, имѣла еси во утробѣ надъ всѣми Бога, и родила еси безлѣтнаго Сына, всѣмъ воспѣвающимъ Тя миръ подавающая.

6. Божественное сіе и всечестное совершающе празднество, богомудріи, Богоматере, приидите руками восплещимъ: отъ нея рождагося Бога славимъ.

7. Не послужиша твари, богомудріи, паче Создавшаго, но огненное прещеніе мужески поправше, радовахуся поюще: препѣтый отецъ Господь и Богъ, благословенъ еси.

8. Отроки благочестивыя въ пещи рождество богородичо спасло есть: тогда убо образуемое, нынѣ же дѣйствуемое, вселенную всю воздвизаетъ ꙗ́кѣ Тебѣ: Господа пойте дѣла, и превозносите Его во вся вѣки.

9. Всякъ земнородный да възиграется духомъ просвѣщаемъ, да торжествуетъ же безплотныхъ умовъ естество, почитающее священное торжество Божоматере, и да вопіетъ: радуйся, всеблаженная Богородице, чистая Приснодѣво.

---

## ПѢСНОПѢНІЯ великаго поста.

Стихиры. Гл. 8. Покаянія отверзи ми двери, Жизнодавче, утреюетъ бо духъ мой ко храму святому Твоему, храмъ носяй тѣлесный весь оскверненъ; но яко щедръ, очисти благоутробною Твоею милостію.

На спасенія стези настави мя, Богородице, студными бо окаляхъ душу грѣхми, и въ лѣности все житіе мое иждихъ, но Твоими молитвами избави мя отъ всякія нечистоты.

Гл. 6. Множества содѣянныхъ мною лютыхъ, помышляя, окаянный, трепещу страшнаго дне суднаго; но надѣяся на милость благоутробія Твоего, яко Давидъ вопію Ти: помилуй мя, Боже, по величій Твоей милости.

Въ нед. сырную на вечернѣ: Гл. 2. Постное время свѣтло начнемъ, къ подвигамъ духовнымъ себе подложивше, очистимъ душу, очистимъ плоть, постимся, якоже въ снѣдѣхъ, отъ всякія страсти, добродѣтелями наслаждающесе духа; въ нихъ совершающесе любовію, да сподобимся вси видѣти всечестную страсть Христа Бога и святую Пасху, духовно радующесе.

Въ понедѣл. утра: Гл. 5. Прииде постъ, мати цѣломудрія, обличитель грѣховъ, проповѣдникъ покаянія, жительство ангеловъ и спасеніе человѣковъ; вѣрніи, возопімъ: Боже, помилуй насъ.

Въ понед. вечера: Гл. 3. Постимся постомъ пріятнымъ, благоугоднымъ Господеви; истинный постъ есть: злыхъ отчужденіе, воздержаніе языка, ярости отложеніе, похотей отлученіе, оглаголанія, лжи и клятвенреступленія; сихъ оскудѣніе — постъ истинный есть и благопріятный.

Въ среду утра. Гл. 8. Постящесе, братіе, тѣлеснѣ, постимся и духовнѣ: разрѣшимъ всякій союзъ неправды; расторгнемъ стропотная нуждныхъ измѣненій, всякое списаніе неправедное раздеремъ; дадимъ алчущимъ хлѣбъ, и нищія безкровныя введемъ въ дома; да примемъ отъ Христа Бога велию милость.

Тропари на повечеріи: Гл. 6. Помилуй насъ, Господи, помилуй насъ; всякаго бо отвѣта недоумѣ-

юще, сію Ти молитву, яко Владыцѣ, грѣшніи приносимъ: помилуй насъ.

Господи, помилуй насъ, на Тя бо уповахомъ, не прогнѣвайся на ны зѣло, ниже помяни беззаконій нашихъ; но призри и нынѣ яко благоутробенъ, и избави ны отъ врагъ нашихъ. Ты бо еси Богъ нашъ, и мы людіе Твои, вси дѣла руку Твоею; и имя Твое призываемъ.

Милосердія двери отверзи намъ, благословенная Богородице, надѣющіися на Тя да не погибнемъ, но да избавимся Тобою отъ бѣдъ: Ты бо еси спасеніе рода христіанскаго.

Гл. 6. Господи силъ, съ нами буди, иного бо развѣ Тебе помощника въ скорбехъ не имамы; Господи силъ, помилуй насъ.

*Стихъ 1.* Хвалите Бога во святыхъ Его, хвалите Его во утверженіи силы Его.

*Стихъ 2.* Хвалите Его на силахъ Его, хвалите Его по множеству величествія Его.

*Стихъ 3.* Хвалите Его во гласѣ трубнѣмъ, хвалите Его во псалтири и гуслехъ.

*Стихъ 4.* Хвалите Его въ тимпанѣ и лицѣ, хвалите Его во струнахъ и органѣ.

*Стихъ 5.* Хвалите Его въ кимвалѣхъ dobroglasnykhъ, хвалите Его въ кимвалѣхъ восклицанія. Всякое дыханіе да хвалить Господа.

Слава: Господи, аще не быхомъ святыя Твоя имѣли молитвенники, и благостыню Твою милую.

шую насъ; како смѣли быхомъ, Спасе, пѣти Тя, Его же славословятъ непрестанно Ангели? Сердцевѣдче, пощади души наша.

И нынѣ: Многая множества моихъ, Богородице, прегрѣшеній! къ Тебѣ прибѣгохъ, Чистая, спасенія требуя; посѣти немощствующую мою душу и моли Сына Твоего и Бога нашего дати ми оставленіе, яже содѣяхъ лютыхъ, едина благословенная.

Всесвятая Богородице. во время живота моего не остави мене, человѣческому предстательству не ввери мя, но сама заступи и помилуй мя.

Все упованіе мое на Тя возлагаю, Мати Божія, сохрани мя подъ кровомъ Твоимъ.

### Ирмосы Канона Великаго. Гл. 6.

1. Помощникъ и покровитель бысть мнѣ во спасеніе: Сей мой Богъ, и прославлю Его, Богъ отца моего, и вознесу Его, славно бо прославися.

2. Вонми, небо, и возглаголю, и воспою Христа, отъ Дѣвы плотію пришедшаго.

Видите, видите, яко Азъ есмь Богъ, манну одождивый, и воду изъ камене источивый древле въ пустыни людемъ Моимъ, десницею единою, и крѣпостию Моею.

3. Ма недвижимомъ, Христе, камени заповѣдей Твоихъ, утверди мое помышленіе.

Утверди, Господи, на камени заповѣдей Твоихъ подвигшееся сердце мое, яко единъ святъ еси и Господь.

4. Услыша пророкъ пришествіе Твое, Господи, и убояся, яко хочещи отъ Дѣвы родитися, и чело-вѣкомъ явится, и глаголаше: услышахъ слухъ Твой, и убояхся; слава силъ Твоей, Господи.

5. Отъ нощи утреннююща, Человѣколюбче, просвѣти, молюся: и настави и мене на повелѣнія Твоя, и научи мя, Спасе, творити волю Твою.

6. Возопихъ вѣмъ сердцемъ моимъ къ щедрому Богу, и услыша мя отъ ада преисподняго, и возведе отъ тли животъ мой.

Кондакъ. Гл 6. Душе моя, душе моя, возстани, что спиши? конецъ приближается, и имаша смутитися; воспрями убо, да пощадитъ тя Христосъ Богъ, вездѣ сый и вся исполняй.

7. Согрѣшихомъ, беззаконновахомъ, неправдовахомъ предъ Тобою, ниже соблюдохомъ, ниже сотворихомъ, якоже заповѣдалъ еси намъ, но не предаждь насъ до конца, отцевъ Боже.

8. Его же воинства небесная славятъ, и трепещутъ Хевуими и Серафими, всяко дыханіе и тварь, пойте, благословите, и превозносите во вся вѣки.

9. Безсѣменнаго зачатія рождество несказанное, Матере безмужныя нетлѣненъ плодъ; Божіе бо рождене обновляетъ естества; тѣмже Тя вси роди, яко Богоневѣстную Матерь, православно величаемъ.

Тропари на часахъ. 1 часа: гл. 6. Заутра услыши гласъ мой, Царю мой и Боже мой.



Стопы моя направи по словеси Твоему, и да не обладает мною всякое беззаконіе. Избави мя отъ клеветы человѣческія, и сохранию заповѣди Твоя. Лице Твое просвѣти на раба Твоего, и научи мя оправданіемъ Твоимъ. Да исполнятся уста моя хваленія Твоего, Господи, яко да воспою славу Твою, весь день великолѣпіе Твое.

3 часа: гл. 6. Господи, иже пресвятаго Твоего Духа въ третій часъ апостоломъ Твоимъ низпославый, Того, Благій, не отыми отъ насъ, но обнови насъ, молящихся.

6 часа: гл. 2. Иже въ шестый день же и часъ, на крестѣ пригвождей въ раи дерзновенный адамовъ грѣхъ, и согрѣшеній нашихъ рукописаніе раздери, Христе Боже и спаси насъ.

9 часа: гл. 8. Иже въ девятый часъ насъ ради плотію смерть вкусивый, умертви плоти нашея мудрованіе, Христе Боже, и спаси насъ.

Помяни насъ, Господи, егда приидеши во царствіи Твоемъ.

Помяни насъ Владыко, егда приидеши во царствіи Твоемъ.

Помяни насъ, Святый, егда приидеши во царствіи Твоемъ.

---

### Литургія Преждеосвященныхъ Даровъ.

Да исправится молитва моя, яко кадило предъ Тобою, воздѣяніе руку моею жертва вечерняя.

Господи, воззвахъ къ Тебѣ, услыши мя, вои гласу моленія моего, внигда воззвати ми къ Тебѣ.

Положи, Господи, храненіе устамъ моимъ, и дверь огражденія о устнахъ моихъ.

Не уклони сердце мое въ словеса лукавствія, нещевати вины о грѣсѣхъ.

Нынѣ силы небесныя съ нами невидимо служатъ: се бо входитъ Царь славы, се жертва тайная совершена дориносится. Вѣрою и любовію приступимъ, да причастницы жизни вѣчныя будемъ: аллилуія (трижды).

Вкусите и видите, яко благъ Господь: аллилуія (трижды).

Благословлю Господа на всякое время, хвала Его во устѣхъ моихъ. Хлѣбъ небесный и чашу жизни вкусите и видите, яко благъ Господь: аллилуія (трижды).

---

## ПѢСНОПѢНІЯ страстной седмицы.

Тропари. Гл. 8. Се женихъ грядетъ въ полунощи, и блажея рабъ, его же обрящетъ бдяща: недостойнъ же паки, его же обрящетъ унывающа. Блюди убо, душе моя, не сномъ отяготися, да не смерти предана будеши, и Царствія виѣ затвори-

шися, но восприими зовущи: Святъ, Святъ, Святъ еси, Боже, Богородицею помилуй насъ.

Гл. 8. Егда славнии ученицы на умовеніи вечера просвѣщахуся, тогда Іуда злочестивый сребролюбимъ недугѣвавъ омрачашеся, и беззаконнымъ судіямъ Тебе, Праведнаго Судію, предаетъ. Виждь, имѣній рачителю. сихъ ради удавленіе употребивша; бѣжи насытыя души, учителю таковая дерзнувшія; иже о всѣхъ благій, Господи. слава Тебѣ.

Эксапостиларіи. Чертогъ Твой вижду. Спасе мой, украшенный, и одежды не имамъ, да вниду вонъ: просвѣти одѣяніе души моя. Свѣтодавче, и спаси мя.

Разбойника благоразумнаго во единомъ часѣ раеви сподобилъ еси, Господи: и мене древомъ крестнымъ просвѣти и спаси мя.

Тропаріи: Гл. 4. Искупилъ ны еси отъ клятвы законныя честною Твоею кровію, на крестѣ пригвоздився и коніемъ прободся. безсмертіе источилъ еси челоуѣкомъ, Спасе нашъ, слава Тебѣ.

Гл. 2. Благообразный Іосифъ съ древа снемъ Пречистое Тѣло Твое, плащаницею чистою обвивъ, и вонями во гробъ новъ покрывъ положи.

Слава. См. воскресный тропарь 2-го гласа «Егда снизшелъ» (стр. 23).

И нынѣ: Мѣроносицамъ женамъ, при гробѣ представъ, ангелъ вопіаше: мѣра мертвымъ суть прилична, Христосъ же иставніи явился чуждъ.

Стихиры: Гл. 5. Тебе одѣющагося свѣтомъ, яко ризою, снемъ Іосифъ съ древа съ Никодимомъ,

и видѣвъ мертва нага непогребенна, благосердный плачь воспримъ, рыдая, глаголаше: увы мнѣ, Сладчайшій Иисусе, Его же вмаля солище на крестѣ висима узрѣвшее мракомъ облагашеся, и земля страхомъ колебашеся, и раздирашеся церковная завѣса; но се нынѣ вижу Тя, мене ради волею подъемша смерть. Како погребу Тя, Боже мой, или какою плащаницею обвию; коима ли руками прикоснуса нетлѣнному Твоему тѣлу; или кія пѣсни воспою Твоему исходу, Щедре; величаю страсти Твоя, пѣснословлю и погребеніе Твое со воскресеніемъ, зовый: Господи, слава Тебѣ.

Гл. 5. Придите ублажимъ Іосифа приснопамятнаго, въ нощи къ Пилату пришедшаго, и Живота всѣхъ испросившаго: даждь ми Сего страннаго, Иже не имѣеть гдѣ главы подклонити; даждь ми Сего страннаго; Его же ученикъ лукавый на смерть предаде; даждь ми Сего страннаго, Его же Мати зрящи на крестѣ висяща, рыдающи, вопіаше, и матерски восклицаше: увы мнѣ, Чадо мое; увы мнѣ, Свѣте мой, и Утроба моя возлюбленная; Симеономъ бо предреченное въ церкви днесъ событсѣ: мое сердце оружіе пройде, но въ радость воскресенія Твоего плачь предложи. Поклоняемся страстемъ Твоимъ, Христе; поклоняемся страстемъ Твоимъ, Христе; поклоняемся страстемъ Твоимъ, Христе, и святому Воскресенію.

---

## Ирмосы канона на Великую Субботу. Гл. 6.

1. Волною морскою, скрывшаго древле, гонителя мучителя, подъ землею скрыша спасенныхъ отроцы, но мы, яко отроковицы, Господеви поимъ, славно бо прославися.

3. Тебе на водахъ повѣсившаго всю землю неодолимо, тварь видѣвши на лобнѣмъ висима, ужасомъ многимъ содрогашеся, нѣсть святъ, развѣ Тебе, Господи, взывающи.

4. На крестѣ Твое Божественное истощаніе провидя Аввакумъ, ужасяся, вопіаше: Ты сильныхъ пресѣклъ еси державу, Блаже, приобщаяся сущимъ во адѣ, яко всемогущъ.

5. Богоявленія Твоего, Христе, къ намъ милостивно бывшаго, Исаіа. свѣтъ видѣвъ невечерній, изъ нощи утренававъ взываше: воскреснуть мертвѣи. и возстанутъ сущіи во гробѣхъ, и вси земнородніи возрадуются.

6. Ятъ бысть, но не удержанъ въ персѣхъ китовыхъ Іона: Твой бо образъ нося, страдавшаго, и погребенію давагося, яко отъ чертога отъ звѣря изыде, пригласаше же кустодіи: хранящіи суетная и ложная, милость сію оставили есте.

7. Неизреченное чудо, въ пещи избавивый преподобныя отроки. изъ пламене, во гробѣ мертвъ бездыханенъ полагается, во спасеніе насъ, поющихъ: Избавителю Боже, благословенъ еси.

8. Ужаснися, бояйся, небо, и да подвижатся основанія земли: се бо въ мертвецѣхъ вмѣняется въ вышнихъ Живый, и во гробъ малъ странно-пріемлется. Его же, отроцы, благословите; священницы, воспойте; людіе, превозносите во вся вѣки.

9. Не рыдай Мене, Мати, зрящи во гробъ, Его же во чревѣ безъ сѣмене зачала еси Сына; востану бо и прославлюся, и вознесу со славою, непрестанно, яко Богъ, вѣрою и любовію Тя величающія.

---

## Пасхальныя пѣснопѣнія.

Тропарь. Христосъ воскресе изъ мертвыхъ, смертію смерть поправъ, и сущимъ во гробѣхъ животъ даровавъ.

Канонъ 1. Воскресенія день, просвѣтимся людіе: пасха, Господня пасха; отъ смерти бо къ жизни, и отъ земли къ небеси, Христосъ Богъ насъ преведе, побѣдную поющія.

Очистимъ чувствія, и узримъ неприступнымъ свѣтомъ воскресенія, Христа блистающуюся, и «радуйтесь» рекуща ясно да услышимъ, побѣдную поюще.

Небеса убо достойно да веселятся, земля же да радуется, да празднуетъ же міръ, видимый же весь и невидимый: Христосъ бо воста, веселіе вѣчное.

3. Приидите пиво пиѣмъ новое, не отъ камене неплодна чудодѣемое, но нетлѣннѣя источникъ, изъ гроба одождивша Христа, въ Немъ же утверждаемся.

Нынѣ вся исполнишася свѣта, небо же и земля и преисподняя: да празднуетъ убо вся тварь востаніе Христово, въ немже утверждается.

Вчера спогребохся Тебѣ, Христе, совостаю днесь воскресшу Тебѣ, сраспинахся Тебѣ вчера: Самъ мя прослави, Спасе, во царствіи Твоемъ.

Ипакон. Гл. 4. Предварившія утро яже о Маріи, и обрѣтшія камень отваленъ отъ гроба, слышаху отъ Ангела: во свѣтѣ присносущнѣмъ Сущаго, съ мертвыми что ищите яко человѣка; видите гробныя пелены, тецыте и міру проповѣдите, яко воста Господь, умертвивый смерть, яко есть Сынъ Бога, спасающаго родъ человѣческій.

4. На Божественнѣй стражи, богоглаголивый Аввакумъ да станеть съ нами и покажетъ свѣтоносна Ангела, ясно глаголюща: днесь спасеніе міру, яко воскресе Христосъ. яко всесиленъ.

Мужескіи убо полъ, яко разверзый дѣвственную утробу, явился Христосъ, яко человѣкъ же, агнецъ наречеса, непороченъ же, яко невкусенъ скверны, наша Пасха, и яко Богъ истиненъ, совершенъ речеса.

Яко единоклѣтныи агнецъ, благословенный намъ вѣнецъ Христосъ, волею за всѣхъ закланъ бысть,

Пасха чистительная, и паки изъ гроба красное правды намъ возсія Солнце.

Богоотець убо Давидъ предъ сѣннымъ ковчегомъ скакаше играя, людіе же Божіи святіи, образовъ событіе зряще, веселимся божественнѣ, яко воскресе Христосъ, яко всесиленъ.

5. Утренюемъ утреннюю глубокую, и вмѣсто мѣра пѣснь принесемъ Владыцѣ, и Христа узримъ, правды Солнце, всѣмъ жизнь возсіяюща.

Безмѣрное Твое благоутробіе адовыми узами содержиміи зряще, къ свѣту идяху, Христе, веселыми ногами, Пасху хваляще вѣчную.

Приступимъ, свѣщеносніи, исходящу Христу изъ гроба, яко жениху, и спразднуемъ любопраздственными чинми Пасху Божію спасительную.

6. Снизшелъ еси въ преисподняя земли и сокрушилъ еси верей вѣчныя, содержащія связанныя, Христе, и тридневенъ, яко отъ кита Іона, воскреслъ еси отъ гроба.

Сохранивъ цѣла знаменія, Христе, воскреслъ еси отъ гроба, ключи Дѣвы не вредивый въ рождествѣ Твоемъ, и отверзлъ еси намъ райскія двери.

Спасе мой, живое же и нежертвенное заклєніе, яко Богъ, Самъ Себе волею приведъ Отцу, совоскресилъ еси всероднаго Адама. воскресъ отъ гроба.

Кондакъ. Гл. 8. Аще и во гробъ снизшелъ еси, Безсмертне, но адову разрушилъ еси силу, и воскреслъ еси, яко Побѣдитель, Христе Боже, же-



намъ мѣроносицамъ вѣщавай «радуйтеся» и Твоимъ апостоломъ миръ даруй, падшимъ подай воскресеніе.

Икосъ. Еже прежде солнца Солнце зашедшее иногда во гробъ, предвариша ко утру, ищущія яко дне мѣроносицы дѣвы, и друга ко друзѣй вопіяху: о, другини, прїидите вонями помажемъ тѣло живоносное и погребенное, плоть воскресившаго падшаго Адама, лежащую во гробѣ: идемъ, потщимся, якоже волеви, и поклонимся, и принесемъ мѣра, яко дары, не въ пеленахъ, но въ плащаницѣ обвитому, и плачимъ, и возонимъ: о, Владыко, востани, падшимъ подай воскресеніе.

7. Отроки отъ пещи избавивый, бывъ чловѣкъ, страждетъ, яко смертенъ. и страстію смертное въ въ нетлѣнія облачить благолѣпіе, единъ благословенъ отцевъ Богъ и препрославленъ.

Жены съ мѣры богомудрыя вслѣдъ Тебе течаху: Егоже яко мертва со слезами искаху, поклонившася радующіася живому Богу. и Пасху тайную Твоимъ, Христе, ученикомъ благовѣстиша.

Смерти празднуемъ умертвленіе, адово разрушеніе, иного житія вѣчнаго начало. и играюще поемъ Виновнаго, единого благословеннаго отцевъ Бога и препрославленнаго.

Яко воистинну священная и всепразднственная сія спасительная ночь, и свѣтозарная, свѣтоноснаго дне, востанія сущи провозвѣстница, въ нейже безлѣтній Свѣтъ изъ гроба плотски всѣмъ возсія.

8. Сей нареченный и святыи день, единъ суббота царь и господь, праздниковъ праздникъ, и торжество есть торжество, вонъже благословимъ Христа во вѣки.

Приидите новаго винограда рожденія, божественнаго веселія, въ нарочитомъ дни воскресенія, царствія Христова приобщимся, поюще Его яко Бога во вѣки.

Возведи окрестъ очи твои, Сіоне, и виждь: се бо придоша къ тебѣ, яко богосвѣтлая свѣтила, отъ запада и сѣвера и моря, и востока чада твоя, въ тебѣ благословящая Христа во вѣки.

Пресвятая Троице, Боже нашъ, слава Тебѣ.

Отче Вседержителю, и Слове, и Душе, трети соединяемое во вѣпостасѣхъ естество, пресущественне, и пребожественне, въ Тя крестихомся, и Тя благословимъ во вся вѣки.

Припѣвы: Величитъ душа моя воскресшаго тридневно отъ гроба, Христа Жизнодавца.

Величитъ душа моя волею страдавшая и погребена, и воскресшаго тридневно отъ гроба.

Христосъ новая Пасха, Жертва живая, Агнецъ Божій, возмѣй грѣхи міра.

Днесъ всяка тварь веселится и радуется: яко Христосъ воскресъ, и адъ плѣнися.

Величитъ душа моя тріпостаснаго и нераздѣльнаго Божества державу.

Радуйся Дѣво, радуйся, радуйся благословенная, радуйся, препрославленная: Твой бо Сынъ воскресе тридневенъ отъ гроба.

Ангель вопіяше Благодатнѣй: Чистая Дѣво. радуйся; и паки реку: радуйся; Твой Сынъ воскресе тридневенъ отъ гроба, и мертвыя воздвигнувый; людіе, веселитесь.

9. Свѣтися, свѣтися, новый Іерусалиме: слава бо Господня на тебѣ возсія. Ликуй нынѣ, и веселися, Сіоне. Ты же, Чистая, красуйся, Богородице, о востаніи рождества Твоего.

О божественнаго. о любезнаго, о сладчайшаго Твоего гласа: съ нами бо неложно общался еси быти, до скончанія вѣка, Христе; Егоже, вѣрніи, утвержденіе надежды имуще, радуемся.

О, Пасха велія и священнѣйшая, Христе; о Мудросте. и Слове Божіи и Сило. подавай намъ истѣ Тебе причащатися, въ невечернѣмъ дни царствія Твоего.

Экспапостиларій. Плотію уснувъ, яко мертвъ, Царю и Господи, тридневенъ воскреслъ еси, Адама воздвигъ отъ тли, и упразднивъ смерть, Пасха нетлѣннѣйшая, міра спасеніе.

Стихиры. *Да воскреснетъ Богъ, и расточатся врази Ею.* Пасха священная намъ днесъ показася, Пасха нова святая, Пасха таинственная, Пасха всечестная, Пасха Христосъ Избавитель, Пасха непорочная, Пасха великая, Пасха вѣрныхъ, Пасха две-

ри райскія намъ отверзающая, Пасха всѣхъ освящающая вѣрныхъ.

*Яко исчезаетъ дымъ, да исчезнутъ.*

Пріидите отъ видѣнія жены благовѣстницы, и Сіону рцыте: пріими отъ насъ радости благовѣщенія, воскресенія Христова; красуйся, ликуй, и радуйся, Іерусалиме, Царя Христа узрѣвъ изъ гроба, яко жениха происходяща.

*Такъ да погибнутъ грѣшницы отъ лица Божія, а праведницы да возвеселятся.*

Мироносицы жены, утру глубоку, представши гробу Живодавца, обрѣтоша ангела, на камени сѣдяща, и той, провѣщавъ имъ, сие глаголаше: что ищите Живаго съ мертвыми; что плачете Нетлѣннаго во тли; шедше, проповѣдите ученикомъ Его.

*Сей день, его же сотвори Господь, возрадуемся и возвеселимся вонъ.*

Пасха красная, пасха, Господня пасха, пасха всечестная намъ возсія, пасха, радостію другъ друга обьемемъ. О. пасха, избавленіе скорби, ибо изъ гроба днесъ, яко отъ чертога, возсіявъ Христосъ, жены радости исполни глаголя: проповѣдите апостоломъ.

Слава и нынѣ. Воскресенія день, и просвѣтимся торжествомъ, и другъ друга обьемемъ, рцемъ: братіе, и ненавидящимъ насъ, простимъ вся воскресеніемъ, и тако возонимъ: Христосъ воскресъ изъ мертвыхъ... и прочее.

Тропаріи на часахъ. Во гробѣ плотски, во адѣ же съ душею, яко Богъ, въ рай же съ разбойникомъ

и на престолѣ былъ еси, Христе, со Отцемъ и Духомъ, вся исполняяй Неописанный.

Слава. Яко живоносецъ, яко рая краснѣйшій, воистину и чертога всякаго царскаго показася свѣтлѣйшій, Христе, гробъ Твой, источникъ нашего воскресенія.

И нынѣ. Вышняго освященное Божественное селеніе, радуйся; Тобою бо дадеся радость, Богородице, зовущимъ: благословенна Ты въ женахъ еси, всенепорочная Владычице.

Антифоны на литургіи. Гл. 2. 1. Воскликните Господеву вся земля. Молитвами Богородицы, Спасе, спаси насъ.

Воскликните Господеву вся земля, пойте же имени Его, дадите славу хвалѣ Его.

2. Боже, ущебри ны и благослови ны. Спаси ны, Сыне, Божій, воскресый изъ мертвыхъ, поющія Ти: аллилуія.

Боже, ущебри ны и благослови ны, просвѣти лице Твое на ны и помилуй ны.

---

## Пѣснопѣнія на дванадесятые праздники.

На Рождество Пресвятыя Богородицы. 8 сент.

Стих. Гос. воз. Гл. 6. Днесъ Иже на разумныхъ престолѣхъ почиваяй Богъ, престолъ святъ на земли Себѣ предуготова, утвердивый мудростію небеса, небо одушевленное человѣколюбіемъ содѣла:

отъ неплоднаго бо корене садъ живоносенъ израсти намъ Матерь Свою, Иже чудесъ Богъ, и ненадѣющихся надежда, Господи, слава Тебѣ.

Сей день Господень, радуйтеся, людіе: се бо Свѣта чертогъ и книга Слова животнаго изъ утробы произыде, и яже къ востокомъ дверь рождшися, ожидаетъ входа Святителя Великаго, едина и Единого вводящи Христа во вселенную, во спасеніе душъ нашихъ.

Днесъ неплодная Анна рождаетъ Богооткровицу, отъ всѣхъ родовъ избранную въ жилище всѣхъ Царя и Зиждителя Христа Бога, во исполненіе божественнаго смотренія, имже наздахомся земнородни, и обновихомся отъ тли къ жизни неконечнѣй.

Слава и нынѣ. 1-я стих. Днесъ Иже на разумныхъ престолѣхъ...

Стих. литіи. Гл. 1. Начало нашего спасенія, людіе, днесъ бысть: се бо пронареченная отъ родовъ древнихъ, Мати и Дѣва, и пріятелище Бсѣіе, отъ неплодове родитися происходитъ, цвѣтъ отъ Іессея, и отъ корене его жезлъ прозябе; да радуется Адамъ праотецъ, и Ева да веселится радостію: се бо созданная отъ ребра Адамова, дщерь и внуку блажитъ явствениѣ; родися бо мнѣ, рече, избавленіе, его же ради отъ узъ адовыхъ свободуюся; да радуется Давидъ бія въ гусли, и да благословить Бога: се бо Дѣва происходитъ отъ утробы неплодна, ко спасенію душъ нашихъ.

Тропарь. Гл. 4. Рождество Твое, Богородице Дѣво, радость возвѣсти всей вселеннѣй: изъ Тебе бо возсія Солнце правды Христосъ Богъ нашъ, и, разрушивъ клятву, даде благословеніе, и, упразднивъ смерть, дарова намъ животъ вѣчный.

Величаніе. Величимъ Тя, пресвятая Дѣво, и чтемъ святыхъ Твоихъ родителей и всеславное слаvimъ рождество Твое.

Прокименъ. Гл. 4. Помяну имя Твое во всякомъ родѣ и родѣ.

Ирмосы. Гл. 2. 1. Грядите, людіе, поимъ пѣснь Христу Богу, раздѣльшему море, и наставльшему люди, яже изведе изъ работы египетскія, яко прославился.

3. Утверди насъ въ Тебѣ, Господи, древомъ умерщвлей грѣхъ, и страхъ Твой всади въ сердца насъ, поющихъ Тя.

4. Услышахъ, Господи, слухъ Твоего смотренія, и прославихъ Тя, Едине Человѣколюбче.

5. Сѣннописанный мракъ гаданій разоривъ, и вѣрныхъ прибытіемъ истины, Богоотроковицею, озаривъ сердца, и насъ свѣтомъ Твоимъ, Христе, настави.

6. Ко Господу отъ кита Іона возопи: Ты мя возведи изъ глубины ада, молюся, да яко Избавителю, во гласъ хваленія, истины же духомъ пожру Тебѣ.

Кондакъ. Гл. 4. Іоакимъ и Анна поношенія безчадства, и Адамъ и Ева отъ тли смертныя сво-

бодистася, Пречистая, во святѣмъ рождествѣ Твоемъ; то празднуютъ и людіе Твои, вины прегрѣшеній избавльшеся, внемга звати Ти: неплоды раждаетъ Богородицу и питательницу жизни нашея.

7. Купина въ горѣ огнеопальная, и росоносная пещь халдейская, явѣ преднаписа Тя, Богоневѣсто: Божественный бо невещественный въ вещественнѣмъ чревѣ, Огнь неопально пріяла еси; тѣмже изъ Тебе Рождшемуся поемъ: благословенъ еси, Боже отецъ нашихъ.

8. Въ пещи отрочестѣй прообразилъ еси иногда Твою Матерь, Господи, образъ же сія изъ огня изымаше, неопально входящія, юже поемъ явльшуюся Тобою концемъ днесъ, и превозносимъ во вся вѣки.

Припѣвы. Величай, душе моя, преславное рождество Божія Матере.

Величай, душе моя, отъ неплодове рождшуюся Дѣву Марію

9. Яже прежде солнца свѣтильника Бога возсіявшаго, плотски къ намъ пришедшаго изъ боку дѣвичу, неизреченно воплотившая, благословенная всечистая, Тя, Богородице, величаемъ.

Гл. 8. Чужде матеремъ дѣвство, и странно дѣвамъ дѣторожденіе: на Тебѣ, Богородице, обоя устроишася; тѣмъ Тя вся племена земная непрестанно величаемъ.

Стих. на хвал. Сей день Господень...



**Воздвиженіе честнаго и животворящаго Креста.**  
**14-е сент.**

**Стих.** Гос. воз. Гл. 6. Крестъ воздвизаемъ, на немъ Вознесеннаго страсть пречистую пѣти повелѣваетъ твари всей, на томъ бо убивъ насъ убившаго, умерщвленныя оживилъ есть. и удобри, и на небесѣхъ жити сподоби, яко милосердъ, премножествомъ благодати; тѣмъ радующеся, вознесемъ имя Его, и Того возвеличимъ крайнее снисхожденіе.

Моисей предобрази тя, руки простеръ на высоту, и побѣждаше амалика мучителя, кресте честный, вѣрныхъ похвало, страдальцевъ утвержденіе, апостоловъ удобреніе, праведныхъ поборниче, всѣхъ преподобныхъ спасителю; тѣмъ ты воздвизаема зряши тварь веселится, и торжествуетъ славящи Христа, тобою разстоящая собравшаго крайнею благодію.

**Слава и нынѣ.** Гл. 2. Приидите вси языцы, благословенному древу поклонимся, имже бысть вѣчная правда: праотца бо Адама прельстивый дровомъ, крестомъ прельщается, и падаетъ низверженъ паденіемъ страннымъ, мучительствомъ одержавый царское зданіе; кровію Божіею ядъ змievъ отмывается, и клятва разрушися осужденія праведнаго. неправеднымъ судомъ праведнику осуждену бывшу, дровомъ бо подобаше древо исцѣлiti, и страстію Безстрастнаго, яже на дрѣвѣ, разрѣшiti страсти осужденнаго; но слава, Христе Царю, еже

о насъ Твоему мудрому смотренію, имже спаслъ еси всѣхъ, яко благъ и челоуѣколюбецъ.

Стих. литіи. Гл. 1. Днесь яко воистину святовѣщанный глаголь Давидовъ конецъ пріять: се бо явѣ пречистыхъ ногъ Твоихъ поклоняемся подножію, и на сѣнь крилу Твоею надѣющеса, Всещедрый, вопіемъ Ти: да знаменается на насъ свѣтъ лица Твоего; православныхъ людей Твоихъ рогъ вознеси честнаго креста Твоего воздвиженіемъ, Христе многомилостиве.

Стих. стих. Гл. 5. Радуйся, живоносный кресте, благочестія непобѣдимая побѣда, дверь райская, вѣрныхъ утвржденіе, церкви огражденіе, имже тля разорися и упразднися, и попрося смертная держава, и вознесохомся отъ земли къ небеснымъ; оружіе непобѣдимое, бѣсовъ сопротивоборче, славо мучениковъ, преподобныхъ яко воистину удобреніе, пристанище спасенія, даруяй міру велию милость.

Тропарь. Гл. 1. Спаси, Господи, люди Твоя, и благослови достояніе Твое, побѣды благовѣрному Императору нашему Николаю Александровичу, на сопротивныя даруя, и Твое сохраняя крестомъ Твоимъ жителство.

Величаніе Величаемъ Тя, Живодавче Христе, и чтемъ крестъ Твой святой, имже насъ спаслъ еси отъ работы вражія.

Прокимень. Гл. 4. Видѣша вси концы земли спасеніе Бога нашего.

Стих. по Еванг. Гл. 6. Кресте Христовъ, христіанъ упованіе, заблуждшихъ наставниче, обуруваемыхъ пристанище, въ бранехъ побѣда, вселенныя утвержденіе, недужныхъ врачу, мертвыхъ воскресеніе, помилуй насъ.

Ирмосы. Гл. 8. 1. Крестъ начертавъ Моисей, прямо жезломъ Черное пресѣче, Израилю пѣшеходящу, тоже обратно фараоновымъ колесницамъ ударивъ совокупи, вопреки написавъ непобѣдимое оружіе; тѣмъ Христу поимъ, Богу нашему, яко прославися.

3. Жезлъ во образъ тайны пріемлется, прозябеніемъ бо предразсуждаетъ священника; неплодящей же прежде церкви, нынѣ процвѣте древо креста, въ державу и утвержденіе.

4. Услышахъ, Господи, смотренія Твоего таинство, разумѣхъ дѣла Твоя и прославихъ Твое Божество.

5. О, трблаженное древо, на немже распяся Христосъ, Царь и Господь, имже паде древомъ прельстивый, тобою прельстився, Богу пригвоздившуся плотію, подающему миръ душамъ нашимъ.

6. Воднаго звѣря во утробѣ, длани Іона крестовидно распростеръ, спасительную страсть проображаше явѣ; тѣмъ тридневенъ изшедъ, премірное воскресеніе прописаше, плотію пригвожденнаго Христа Бога, и тридневнымъ воскресеніемъ міръ просвѣщаго.

Кондакъ. Гл. 4. Вознесыйся на крестъ волею, тезоименитому Твоему новому жительству, щедроты Твоя даруй, Христе Боже, возвесели силою Твоею благовѣрнаго Императора нашего Николая Александровича, побѣды дая ему на супостаты, посobie имущу Твое оружіе мира, непобѣдимую побѣду.

7. Безумное вѣлѣніе мучителя злочестиваго люди поколеба, дышущее прещеніе и злохуленіе богомерзкое; обаче три отроки не устраши ярость звѣрская, ни огонь снѣдаяй, но противодышущу росоносному духу, со огнемъ суще пояху: препѣтый отецъ и насъ, Боже, благословенъ еси.

8. Благословите, отроцы, Троицы равночисленніи, Содѣтеля Отца Бога, пойте снизшедшее Слово, и огонь въ росу претворшее, и превозносите всѣмъ жизнь подавающаго, Духа всесвятаго во вѣки.

Припѣвы. Величай, душе моя, пречестный крестъ Господень.

Величай, душе моя, животворящаго креста Господня воздвиженіе.

9. Таинъ еси, Богородице, рай, невоздѣланно возраставшій Христа, Имже крестное живоносное на земли насадися древо; тѣмъ нынѣ возносиму, поклоняющеся ему, Тя величаемъ.

Стих. хвал. Гл. 6. Днесъ происходитъ крестъ Господень, и вѣрнии приѣмлютъ того желаніемъ, и вземлютъ исцѣленія души же и тѣла, и всякія болѣзни; сего цѣлуимъ радостію и страхомъ: страхомъ грѣха ради, яко недостойни суще; радостію

же спасенія ради, еже подаєть міру на томъ пригвоздивыйся Христосъ Богъ, имѣяй велію милость.

Кресту Твоему поклоняемся, Владыко, и святое воскресеніе Твое славимъ.

Стихиры. Гл. 2. Приидите, вѣрніи, животворящему древу поклонимся: на немже Христосъ Царь славы волею руцѣ распротеръ, вознесе насъ на первое блаженство, яже прежде врагъ сластію укрядъ, изгнаны отъ Бога сотвори. Приидите, вѣрніи, древу поклонимся, имже сподобихомся невидимыхъ врагъ сокрушити главы. Приидите вся отечествія языковъ, крестъ Господень пѣсньми почитимъ: радуйся, кресте, падшаго Адама совершенное избавленіе, о тебѣ бо вѣриѣйшіи царіе наши хвалятся, яко твоею силою измаильтескія люди державно покоряюще; ты нынѣ со страхомъ христіане цѣлующе, на тебѣ пригвоздившагося Бога славимъ, глаголюще: Господи, на томъ пригвоздивыйся, помилуй насъ, яко благъ и человеколюбецъ.

Гл. 8. Днесъ Владыка твари, и Господь славы, на крестѣ пригвождается, и въ ребра прободается, желчи и оцта вкушаетъ, сладость церковная; вѣнцемъ отъ тернія облагается, покрываяй небо облаки; одеждею облачится поруганія, и заушается брэнною рукою, рукою создавый человека; по плещема біенъ бываетъ, одѣваяй небо облаки; заплеванія и раны приємлетъ, поношенія и заушенія; и вся терпитъ

мене ради осужденнаго, Избавитель мой и Богъ, да спасетъ міръ отъ прелести, яко благоутробенъ.

Антифоны на литургіи. 1. Боже, Боже мой, вонми Ми; вскую оставилъ Мя еси. Молитвами Богородицы, Спасе, спаси насъ.

Боже мой, воззову во дни и не услышиши, и въ нощи, и не въ безуміе мнѣ.

2. Вскую, Боже, отринулъ еси до конца. Спаси ны, Сыне Божій, плотію распныйся, поющія Ти: аллилуіа.

Богъ же Царь нашъ прежде вѣка содѣла спасеніе посредѣ земли.

Прокимень. Гл. 7. Возносите Господа Бога нашего и поклоняйтесь подножію ногу Его, яко свято есть.

Причастень. Знаменася на насъ свѣтъ лица Твоего, Господи.

Введеніе во храмъ Пресв. Богородицы. 21 ноябр.

Стих. Госп. воз. Гл. 1. Днесъ вѣрніи ликовстужимъ, во псалмѣхъ и пѣснехъ Господеву поюще, и чтуще Того священную сѣнь, одушевленный кивотъ, невмѣстимое Слово вмѣстившую: приводится бо Господеву, паче естества плотію младенствующи, и святитель великій Захарія прие́млетъ съ веселіемъ сію, яко Божіе жилище.

Днесъ храмъ одушевленный святыя славы Христа Бога нашего, едина въ женахъ благословенная

чистая, приводится въ храмъ законный жити во святыхъ; и радуются съ нею Іоакимъ и Анна духомъ; и дѣвственніи лица Господеви поють, псаломски воспѣвающе и чтуще Матерь Его.

Слава и нынѣ. Гл. 8. По рождествѣ Твоемъ, Богоневѣсто Владычице, пришла еси въ храмъ Господень воспитатися во святая святыхъ, яко освященна; тогда и Гавріилъ посланъ бысть къ Тебѣ, всенепорочнѣй, пищу Тебѣ принося; небесная вся удивившася, зряще Духа Святаго въ Тя всельшася; тѣмже пречистая и нескверная, яже на небеси и на земли славима, Мати Божія, спаси родъ нашъ.

Стих. лит. Гл. 1. Да радуется днесь небо выше, и облацы веселіе да кропятъ о зѣло преславныхъ величійхъ Бога нашего: се бо дверь на востоки зрящая, рождшиися отъ неплодове безплодныя по обѣтованію, и Богу освящена бывши въ жилище, днесь въ храмъ яко непорочное приношеніе приводится; да радуется Давидъ, бряца въ гусли, приведутся, рече, царю дѣвы въ слѣдъ ея, ближняя ея приведутся внутрь скиніи Божія, внутрь очистилища Его, воспитатися въ жилище, прежде вѣкъ отъ Отца нетлѣнно рождшагося, во спасеніе душъ нашихъ.

Тропарь. Гл. 4. Днесь благоволенія Божія предображеніе, и человѣковъ спасенія проповѣданіе, въ храмъ Божіи ясно Дѣва является, и Христа всѣмъ предвозвѣщаетъ. Той и мы велегласно возопіимъ: радуйся, смотренія Зиждителява исполненіе.

**Величаніе.** Величаемъ Тя, пречистая Дѣво, Богоизбранная откровице, и чтемъ еже въ храмъ Господень вхожденіе Твое.

**Ирмосы. Гл. 4. 1.** Отверзу уста моя, и наполнятся Духа, и слово отрыгну Царицѣ Матери, и явлюся свѣтло торжествуя, и воспою радуясь Тоя вхожденіе.

3. Твоя пѣснословцы, Богородице, живый и независтный источниче, ликъ себѣ совокупльшія духовно утверди, въ честиѣмъ вхожденіи Твоемъ, вѣнцевъ славы сподоби.

4. Незислѣдный Божій совѣтъ, еже отъ Дѣвы воплощенія, Тебе Бышняго пророкъ Аввакумъ усмотря зовяше: слава силѣ Твоей, Господи.

5. Ужасошася всяческая въ честиѣмъ вхожденіи Твоемъ; Ты бо, неискусобрачаная Дѣво, внутрь вошла еси въ храмъ Божій, якоже чистѣйшій храмъ. всѣмъ воспѣвающимъ Тя миръ подавающая.

6. Божественное сіе и всечестное совершающе празднество, богомудріи, Богоматере, приидите руками восплищемъ, отъ нея рождашася Бога славимъ.

**Кондакъ. Гл. 4.** Пречистый храмъ Спасовъ, многоцѣнный чертогъ и Дѣва, священное сокровище славы Божіа, днесь вводится въ домъ Господень, благодать совводящи, яже въ Дусѣ Божественномъ, юже воспѣваютъ ангели Божіи: сія есть селеніе небесное.



7. Не послужиша твари богомудрїи паче Создавшаго, но огненное прещеніе мужески поправше, радовахуся поюще: препѣтый отецъ Господь и Богъ благословенъ еси.

8. Слыши, отроковице Дѣво чистая, да речеть убо Гавріиль совѣтъ Вышняго древній истинный: буди къ прїятію готова Божію, Тобою бо Невмѣстимый съ человѣки поживе; тѣмъ и радуяся вопію: благословите, вся дѣла Господня, Господа.

Припѣвы. Ангели вхожденіе Пречистыя зряще удивившася: како Дѣва вниде во святая святыхъ.

Величай, душе моя, приведенную во храмъ Господень, и благословенную руками іереовыми.

9. Яко одушевленному Божію кивоту, да никакоже коснется рука скверныхъ, устнѣ же вѣрныхъ Богородицѣ немолчно, гласъ ангела воспѣвающей, съ радостію да вопіютъ: истинно вышши всѣхъ еси, Дѣво чистая.

Стих. хвал. Гл. 2. Днесъ въ храмъ приводится всенепорочная Дѣва, во обителище всецаря Бога, и всея жизни нашея Питателя; днесъ чистѣйшая святыня, яко трилѣтствующая юница, во святая святыхъ вводится. Той возопїимъ, яко ангелъ: радуйся, едина въ женахъ благословенная.

Рѣждество Христово. 25 декабря.

На вел. повеч. Съ нами Богъ, разумѣйте, языцы, и покоряйтесь: яко съ нами Богъ.

Услышите до послѣднихъ земли: яко съ нами Богъ.

Могущи покарайтесь: яко съ нами Богъ.

Аще бо паки возможете и паки побѣждени будете: яко съ нами Богъ.

И иже еще совѣтъ совѣщаете, разорить Господь: яко съ нами Богъ.

И слово, еже аще возглаголете, не пребудеть въ васъ: яко съ нами Богъ.

Страхъ же вашего не убоимся, ниже смутимся...

Яко Отроча родися намъ, Сынъ, и дадеся намъ...

Тропарь. Гл. 4. Рождество Твое, Христе Боже нашъ, возсія мірови свѣтъ разума: въ немъ бо звѣздамъ служащии, звѣздою учахуся, Тебѣ кланятися Солнцу правды, и Тебе вѣдѣти съ высоты Востока; Господи, слава Тебѣ.

Кондакъ. Гл. 3. Дѣва днесъ Пресущественнаго рождаетъ, и земля вертепъ Непрístupному приноситъ, ангели съ пастырьми славословятъ, волсви же со звѣздою путешествуютъ: насъ бо ради родися Отроча младо, превѣчный Богъ.

Стих. литіи. Гл. 1. Небо и земля днесъ пророчески да возвеселятся, ангели и челоуѣцы духовно да торжествуютъ: яко Богъ во плоти явился, сущимъ во тмѣ и сѣни сѣдящимъ, рождейся отъ Дѣвы, вертепъ и ясли пріяша Того, пастыріе чудо проповѣдуютъ, волсви отъ востокъ въ Виллеемъ дары приносятъ. Мы же хвалу недостойными устнами ангельски Тому принесемъ: слава въ выш-

нихъ Богу и на земли миръ; прїиде бо чаяніе языковъ, пришедъ спасе отъ работы вражія.

Стих. стих. Гл. 2. Веліе и преславное чудо совершился днесъ: Дѣва раждаетъ и утроба не истлѣваетъ; Слово воплощается, и Отца не отлучается; ангели съ пастырьми славятъ и мы съ ними вопіемъ: слава въ вышнихъ Богу и на земли миръ.

Величаніе. Величаемъ Тя, Живодавче Христе, насъ ради нынѣ плотію рождагося отъ безневѣстныхъ и пречистыя Дѣвы Маріи.

Прокимень. Гл. 4. Изъ чрева прежде денницы родихъ Тя, клятсѣ Господь и не раскается.

Стих. по Еванг. Гл. 6. Слава въ вышнихъ Богу, и на земли миръ, днесъ воспріемлетъ Виелеемъ Сѣдящаго присно со Отцемъ, днесъ ангели Младенца рожденнаго богомѣлно славословятъ: слава въ вышнихъ Богу, и на земли миръ, въ человѣцѣхъ благоволеніе.

Ирмосы. Гл. I. 1. Христось рождается, славите. Христось съ небесъ, срящите. Христось на земли, возноситеся. Пойте Господеви вся земля, и веселіемъ воспойте, людіе, яко прославися

3. Прежде вѣкъ отъ Отца рожденному нетлѣнно Сыну, и въ послѣдняя отъ Дѣвы воплощенному безсѣменно, Христу Богу возопіимъ: вознесый рогъ нашъ, святъ еси, Господи.

4. Жезлъ изъ корене Іессеова, и цвѣтъ отъ него, Христе, отъ Дѣвы прозяблъ еси, изъ горы хвальный прїосѣненныя чаши, пришелъ еси воплощся

отъ неискусомужныя Невещественный и Боже, слава силѣ Твоей, Господи.

5. Богъ Сый мира, Отецъ щедротъ, великаго совѣта Твоего Ангела, миръ подавающа послалъ еси намъ; тѣмъ богоразумія къ свѣту наставльшеся, отъ нощи утреннююще, славославимъ Тя, Человѣколюбче.

6. Изъ утробы Іону младенца изблева морскій звѣрь, якова пріять: въ Дѣву же всельшееся Слово, и плоть приѣмшее пройде сохраншее нетлѣнну. Его же бо не пострада истлѣнія, Рождшую сохрани неврежденну.

7. Отроцы благочестію совоспитани, злочестиваго велѣнія небрегше, огненнаго прещенія не убояшася, но посреди пламене стояще пояху: отцевъ Боже, благословенъ еси.

8. Чуда преестественнаго росодательная изобрази пещь образъ: не бо яже пріять палить юныя. яко ниже огонь Божества Дѣвы, въ нюже вниде утробу; тѣмъ всспѣвающе воспоемъ: да благословить тварь вся Господа, и превозноситъ во вся вѣки.

Припѣвы: Величай, душе моя, честнѣйшую и славнѣйшую горнихъ воинствъ, Дѣву пречистую Богородицу.

Величай, душе моя, отъ Дѣвы Бога плотію рождагося.

Величай, душе моя, Тріипостаснаго и нераздѣльнаго Божества державу.

9. Таинство странное вижу и преславное: небо—вертепъ, престолъ херувимскій—Дѣву, ясли—вмѣстилище, въ нихъ же возлеже невмѣстимый Христосъ Богъ, Его же воспѣвающе величаемъ.

Любити убо намъ, яко безбѣдное страхомъ удобѣе молчаніе; любовію же, Дѣво, пѣсни ткати спротяженно сложенные, неудобно есть, но и, Мати, силу, елико есть произволеніе, даждь.

Стих. хвал. Гл. 2. Днесъ Христосъ изъ Вифлеемъ раждается отъ Дѣвы, днесъ безначальный начинается, и Слово воплощается, силы небесныя радуются, и земля съ человѣки веселится, волоси Владыцѣ дары приносятъ, пастыріе рожденному дивятся; мы же непрестанно воніемъ: слава въ вышнихъ Богу, и на земли миръ, въ человѣцѣхъ благоволеніе.

Антифоны литургіи. I. Исповѣмся Тебѣ, Господи, всѣмъ сердцемъ моимъ, повѣмъ вся чудеса Твоя. Молитвами Богородицы, Спасе, спаси насъ.

Исповѣданіе и великолѣніе дѣло Его, и правда Его пребываетъ въ вѣкъ вѣка.

2. Блаженъ мужъ, бояйся Господа; въ заповѣдехъ Его восхощетъ зѣло. Спаси ны, Сыне Божій, рождейся отъ Дѣвы, поющія Ти: аллилуія.

Сильно на земли будетъ сѣмя его, родъ правыхъ благословится.

Прокименъ. Гл. 8. Вся земля да поклонится Тебѣ, и поетъ Тебѣ, да поетъ же имени Твоему, Вышній.

## Крещеніе Господне. 6 января.

На вел. повеч. Съ нами Богъ.... См. стр. 71.

Тропарь. Гл. 1. Во Іорданѣ крещающуся Тебѣ, Господи, Тройческое явился поклоненіе: Родителейъ бо гласъ свидѣтельствоваше Тебѣ, возлюбленнаго Тя Сына именуя, и Духъ въ видѣ голубинѣ, извѣствоваше словесе утвержденіе: явлейся, Христе Боже, и міръ просвѣщей, слава Тебѣ.

Кондакъ. Гл. 4. Явился еси днесь вселеннѣй, и свѣтъ Твой, Господи, знаменася на насъ, въ разумѣ поющихъ Тя: пришелъ еси и явился еси, Свѣтъ неприступный.

Стих. литіи. Гл. 4. Одѣвайся свѣтомъ, яко ризою, насъ ради по намъ быти сподобился есть, во струи одѣвается днесь Іорданскія, не Самъ сихъ ко очищенію требуя, но намъ Собою устрояй порожденіе; о, чудесе: безъ огня изваряетъ, и назидаетъ безъ сокрушенія, и спасаетъ въ Него просвѣщаемыя, Христосъ Богъ и Спасъ душъ нашихъ.

Стих. стих. Гл. 2. На Іорданстѣй рѣцѣ, видѣвъ Тя Іоаннъ къ себѣ грядуща, глаголаше: Христе Боже, что къ рабу пришелъ еси, скверны не имый, Господи; во имя же чіе Тя крещу, — Отца, но Того носиши въ Себѣ, — Сына, но Самъ еси воплотивыйся, — Духа Святаго, и Сего вѣси даяти вѣрнымъ усты: явлейся, Боже, помилуй насъ.

Величаніе. Величаемъ Тя, Живодавче Христе, насъ ради нынѣ плотію крестившагося отъ Іоанна въ водахъ Іорданскихъ.

Прокимень. Гл. 4. Море видѣ и побѣже, Іорданъ возвратися вспять.

Ирмосы Гл. 2. 1. Глубины открылъ есть дно, и сушею Своя влечетъ, въ ней покрывъ противныя; крѣпкій во бранѣхъ Господь, яко прославися.

3. Крѣпость даѣй царемъ нашимъ Господь, и рогъ помазанныхъ Своихъ возносяй, отъ Дѣвы раждается, грядетъ же ко крещенію; Тому, вѣрніи, возопіимъ: нѣсть святъ, яко Богъ нашъ.

4. Услышахъ, Господи, гласъ Твой, егоже реклъ еси, гласъ вопіющаго въ пустыни, яко возгремѣлъ еси надъ водами многими, Твоему свидѣтельствуя Сыну, весь бывъ сошедшаго Духа, возопи: Ты еси Христосъ, Божія мудрость и сила.

5. Іисусъ, живота Начальникъ, разрѣшити осужденіе грядетъ Адама первозданнаго, очищеній же, яко Богъ, не требуя; падшаго очищаетъ во Іорданѣ; въ немже вражду убивъ, преимушь всякъ умъ миръ даруетъ.

6. Гласъ Словесе, свѣтильникъ Свѣта, денница Солнца, Предтеча, въ пустыни — покайтесь — всѣмъ воніетъ людемъ, и предочиститесь: се бо предстоитъ Христосъ, отъ тли міръ избавляяй.

7. Юноши благочестивыя, печи огненныи приобщившіяся, шумящъ духъ росный невредимы сохрани, и Божія ангела снисхождение; тѣмже въ

пламени орошаеми, благодарственно воспѣваху: препѣтый отецъ Господи и Боже, благословенъ еси.

8. Тайну преславную вавилонская показа пещь, источившая росу, яко струями имяше невестественный Огнь воспріяти Іорданъ, и объяти плотію крещаемъ Зиждителя; Его же благословятъ людіе, и превозносятъ во вся вѣки.

Припѣвы. Величай, душе моя, честнѣйшую горнихъ воинствъ, Дѣву пречистую Богородицу.

Величай, душе моя, отъ Предтечи крещенія просяща.

Пророче, пріиди ко Мнѣ, простри руку, и крести Мя скоро.

Днесъ Іоаннъ крещаетъ Владыку во струяхъ Іорданскихъ.

9. Недоумѣетъ всякъ языкъ благохвалити по достоянію, изумѣваетъ же умъ и премірный пѣти ты, Богородице: обаче, благая сущи, вѣру пріими, ибо любовь вѣси божественную нашу: Ты бо Христіанъ еси предстательница; Тя величаемъ.

Антифоны литургіи. 1. Во исходѣ Израилевѣ отъ Египта, дому Іаковля изъ людей варваръ. Молитвами Богородицы, Спасе, спаси насъ.

Бысть Іудеа сватыня Его, Израиль область Его.

2. Возлюбихъ, яко услышитъ Господь гласъ моленія моего. Спаси ны, Сыне Божій, во Іорданѣ крестивыйся, поющія Ти: аллилуіа.

Яко приклони ухо Свое мнѣ, и во дни моя призову.



## Срѣтеніе Господне. 2-ое февр.

**Стих.** Гос. воз. Гл. 1. Глаголи, Симеоне, кого нося на руку въ церкви. радуешися; кому зовещи и вопіеши: нынѣ свободихся, видѣхъ бо Спаса моего; Сей есть отъ Дѣвы рожденъ, Сей есть отъ Бога Богъ Слово, воплотивыйся насъ ради и спасый человѣка, Тому поклонимся.

Пріими, Симеоне, Его же подъ мракомъ Моисей законополагающа провидѣ въ Синаи, Младенца бывша, закону повинующася. Сей есть закономъ глаголавый, Сей есть во пророцѣхъ реченный, воплотивыйся насъ ради и спасый человѣка, Тому поклонимся.

**Слава и нынѣ.** Гл. 6. Да отверзется дверь небесная днесь: безначальное бо Слово Отчее. начало пріимъ подъ лѣты, не отступль Своего Божества, отъ Дѣвы яко младенецъ чотыредесятодневъ, Матерію волюнѣ приносится въ церковь законную, и Сего на руки пріемлетъ старецъ, отпусти, зовый, раба Владыка, ибо очи мои видѣста спасеніе Твое; пришедый въ міръ спасти родъ человѣчъ, Господи, слава Тебѣ.

**Стих. литіи.** Гл. 1. Днесь древле Моисею въ Синаи законъ падавый, законнымъ повинуется велѣніемъ, насъ ради яко милосердъ по намъ бывъ; нынѣ чистый Богъ, яко отроча свято. ложесна разверзъ чистыя, Себѣ Самому яко Богъ приносится, законныя клятвы свобожда, и просвѣщая души наша.

Тропарь. Гл. 1. Радуйся, благодатная Богородице Дѣво, изъ Тебе бо возсія Солнце правды, Христосъ Богъ нашъ, просвѣщаяй сущыя во тьмѣ: веселися и ты, старче праведный, пріемый во объятія Свободителя душъ нашихъ, дарующаго намъ воскресеніе.

Величаніе. Величаемъ Тя, Живодавче Христе, и чтемъ пречистую Матерь Твою, еюже по закону нынѣ принесся еси въ храмъ Господень.

Ирмосы. Гл. 3. І. Сушу глубородительную землю солнце нашествова иногда, яко стѣна бо огусть обаполы вода, людемъ пѣшемореходящимъ, и богоугодно поющимъ: поимъ Господеви, славно бо прославися.

3. Утвержденіе на Тя надѣющихся, утверди, Господи, Церковь, юже стяжалъ еси, честною Твоею кровію.

4. Покрыма есть небеса добродѣтель Твоя, Христе: изъ кивота бо прошедъ, святыни, Твоея нетлѣнныя Матере, въ храмъ славы Твоея явился еси, яко младенецъ руконосимъ; и исполнишася вся Твоего хваленія.

5. Яко видѣ Исаія образно на престолѣ превознесена Бога, отъ ангелъ славы дориносима, о, окаянный, воніаше, азъ; провидѣхъ бо воплощаема Бога, свѣта невечерня, и міромъ владычествующа.

6. Возопи къ Тебѣ, видѣвъ старецъ очима спасеніе, еже людемъ приде отъ Бога; Христе, Ты Богъ мой.

Кондакъ. Гл. 1. Утробу Дѣвичу освятивый рождествомъ Твоимъ, и руцѣ Симеонѣ благословивый, якоже подобаше, предваривъ. и нынѣ спаслъ еси насъ, Христе Боже, но умири во бранехъ жителство. и укрѣпи Императора, егоже возлюбилъ еси, единъ Человѣколюбче.

7. Тебе во огни оросившаго, отроки богословившія, и въ Дѣву нетлѣнну всельшагося, Бога Слова поимъ, благочестно поюще: благословенъ Богъ отецъ нашихъ.

8. Нестерпимому огню соединившеся, богочестія предстояще юноши, пламенемъ же невреждени, божественную пѣснь пояху: благословите, вся дѣла Господня, Господа, и превозносите во вся вѣки.

Припѣвы. Богородице Дѣво, упованіе христіаномъ, покрый, соблюди и спаси на Тя уповающихъ. — Богородице Дѣво, міру благая помощнице, покрый и соблюди отъ всякія нужды и печали. — Богоносе Симеоне, приди подыми Христа. Его же роди Дѣва чистая Марія. — Объемлетъ руками старецъ Симеонъ Содѣтеля закона, и Владыку всяческихъ. — О, дщи Фануилева, приди стани съ нами, и благодари Христа Спаса Сына Божія. — Анна цѣломудренная провѣщаетъ страшная, исповѣдаючи Христа, Творца небу и земли. — О, Христе всѣхъ Царю, побѣды на враги вѣрному Твоему рабу, Императору нашему, даруй. — О, Христе всѣхъ Царю, подаждь ми слезы теплы, да плачу мою душу, юже

злѣ погубихъ.—О, Дѣвице Маріе, просвѣти мою душу, помраченную лютѣ житейскими сластями.

9. Въ законѣ сѣни и писаній образъ видимъ, вѣрніи: всякъ мужескій полъ, ложесна разверзая, святъ Богу. Тѣмъ первожденное Слово Отца безначальна, Сына первородящая Матерію неискусо-мужно, величаемъ.

Стих хвал. Гл 6. На рукахъ старческихъ во днешній день, яко на колесницѣ херувимстѣй, восклонитися благоизволивый Христе Боже, и насъ поющихъ Тя страстей мучительства призываемый избави, и спаси яко челоувѣколюбець.

### Благовѣщеніе Пресв. Богородицы. 25-е мар.

Стих. Госп. воз. Гл. 6. Совѣтъ превѣчный открывая Тебѣ, Отроковице, Гавріилъ предста, Тебе лобзая и вѣщая: радуйся, земле ненасѣянная; радуйся, купино неопалимая; радуйся, глубоко неудобозримая; радуйся, мосте къ небесемъ преводяй, и лѣствице высокая, юже Іаковъ видѣ; радуйся, Божественная стамно манны; радуйся, разрѣшеніе клятвы; радуйся, Адамово воззваніе, съ Тобою Господь.

Являешия Миѣ яко челоувѣкъ, глаголетъ не-тлѣнная Отроковица ко Архистратигу, и како вѣщаеши глаголы паче челоувѣка: со Мною бо реклъ еси Богу быти, и вселитися во утробу Мою; и како буду, глаголи Ми, вмѣстилище пространное, и мѣ-

сто священія, херувимы Превосходящаго; да не прельстиши Мене лестію, не бо познахъ сласти, браку есмь непричастна; како убо Отроча рожду.

Богъ идѣже хочетъ, побѣждается естества чинъ, глаголетъ безплотный, и яже паче человѣка содѣваются, моимъ вѣруй истиннымъ глаголомъ, Всесвятая Пренепорочная. Она же возопи: буди Миѣ нынѣ по глаголу твоему, и рожду Безплотнаго, плоть отъ Мене заимствовавшаго, яко да возведетъ человѣка, яко Единъ силенъ, въ первое достояніе съ раствореніемъ.

Слава и нынѣ. Посланъ бысть съ небесе Гавріилъ Архангелъ, благовѣстити Дѣвѣ зачатіе, и пришедъ въ Назаретъ, помышляше въ себѣ, чудеси удивлялся: о, како въ Вышнихъ не постижимъ Сый отъ Дѣвы раждается; имѣяй престолъ небо и подножіе землю, во утробу вмѣщается Дѣвичу; на Него же шестокрилати и многоочити зрѣти не могутъ, словомъ единымъ отъ Сея воплотитися благоизволи; Божіе есть Слово настоящее; что убо стою и не глаголю Дѣвѣ: радуйся, Благодатная, Господь съ Тобою; радуйся, чистая Дѣво; радуйся, невѣсто неневѣстная; радуйся, Мати Живота; благословенъ плодъ чрева Твоего.

Стих. литіи. Гл. 1. Въ шестый мѣсяць архистратигъ посланъ бысть къ Тебѣ, Дѣвѣ и чистѣй, возвѣстити Тебѣ слово спасенія, вкупѣ же и звати Тебѣ: радуйся обрадованная, Господь съ Тобою; ро-

диши Сына превѣчнаго изъ Отца, и спасеть люди Своя отъ грѣхъ ихъ.

Стих. стих. Гл. 4. Въ шестый мѣсяцъ посланъ бысть архангелъ къ Дѣвѣ чистѣй, и радоватися Ей прирекъ, благовѣсти изъ Нея Избавителю проити; тѣмже приимше цѣлованіе, зачатъ Тя превѣчнаго Бога, несказанно благоволившаго вочеловѣчитися, во спасеніе душъ нашихъ.

Тропарь. Гл. 4. Днесь спасенія нашего главизна, и еже отъ вѣка таинства явленіе: Сынъ Божій, Сынъ Дѣвы бываетъ, и Гавріилъ благодать благовѣствуетъ; тѣмже и мы съ нимъ Богородицѣ возопимъ: радуйся, Благодатная, Господь съ Тобою.

Кондакъ. Гл. 8. Взыбранной воеводѣ побѣдительная, яко избавльшеся отъ злыхъ, благодарственная восписуемъ Ти раби твои, Богородице, но яко имущая державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто неневѣстная.

Величаніе. Архангельскій гласъ воіемъ Ти, чистая: радуйся, благодатная, Господь съ Тобою.

Прокимень. Гл. 2. Благовѣстите день отъ дне спасеніе Бога нашего.

Ирмосы. Гл. 1. Отверзу уста моя... *Пѣсни 1—5 и 7 см. на стр. 41.*

6. Возопи преобразуя погребеніе тридневное пророкъ Іона, въ китѣ моляся: отъ тли избави мя, Іисусе, Царю силъ.

8. Слыши, отроковице Дѣво чистая, да речеть убо Гавріилъ совѣтъ Вышняго древній истинный: буди къ пріятію готова Божію, Тобою бо Невмѣстимый съ человѣки поживе; тѣмъ и радуясь вопію: благословите, вся дѣла Господня, Господа.

Припѣвъ: Благовѣстуйъ земле радость велию, хвалите небеса Божію славу.

9. Яко одушевленному Божію кивоту, да никакже коснется рука скверныхъ; устѣ же верныхъ Богородицѣ немолчно, гласъ ангела воспѣвающе, съ радостию да вопіють: радуйся, благодатная, Господь съ Тобою.

Стих. хвал. Гл. 1. Съ небесныхъ круговъ слетѣлъ Гавріилъ въ Назаретъ, прииде къ Дѣвѣ Маріи, вопія Ей: радуйся, зачнеши Сына, Адама древнѣйшаго, Творца вѣковъ и Избавителя вопіющихъ Тебѣ: радуйся, чистая.

### Входъ Господень во Іерусалимъ.

Стих. Госп. воз. Гл. 6. Днесъ благодать Святаго Духа насъ собра, и вси, взявше крестъ Твой, глаголемъ: \благословенъ грядый во имя Господне, осанна въ вышнихъ.

Имѣяй престолъ небо, и подножіе землю, Бога Отца Слово и Сынъ соприисносущный, на жребяти безсловеснѣмъ смирился днесъ, въ Виеанію пришедъ; тѣмже дѣти еврейскія, вѣтви руками держаще, хва-

ляху гласомъ: осанна въ вышнихъ, благословенъ грядый Царь Израилевъ.

Прежде шести дней пасхи прииде Иисусъ въ Виванію, и приступиша къ Нему ученицы Его, глаголюще Ему: Господи, гдѣ хоцещи, уготоваемъ Ти ясти пасху; Онъ-же посла ихъ: идите въ преднюю весъ, и обрящете челоуѣка, скудель воды носяща; послѣдуйте ему, и дому владыцѣ рцйте: Учитель глаголетъ, у тебе сотворю пасху со ученики Моими.

Слава и нынѣ. Днесъ благодать Святаго Духа...

Стих. лит. Гл. 1. Прежде шести дней пасхи, гласъ Твой услышася, Господи, во глубинахъ адовыхъ; тѣмже и Лазаря четверодневна воздвиглъ еси; дѣти же еврейскія взываху: осанна, Боже нашъ, слава Тебѣ.

Стих. стих. Гл. 8. Радуйся и веселися, граде Сіоне, красуйся и радуйся Церкви Божіа: се бо Царь твой прииде въ правдѣ, на жребяти сѣдя, отъ дѣтей воспѣваемый: осанна въ вышнихъ, благословенъ еси; имѣйи множество щедротъ, помилуй насъ.

Тропарь. Гл. 1. Общее воскресеніе, прежде Твоея страсти увѣряя, изъ мертвыхъ воздвиглъ еси Лазаря, Христе Боже; тѣмже и мы, яко отроцы, побѣды знаменія носяще, Тебѣ побѣдителю смерти воніемъ: осанна въ вышнихъ, благословенъ грядый во имя Господне.

Гл. 4. Спогребшеся Тебѣ крещеніемъ, Христе Боже нашъ, безсмертныя жизни сподобихомся воскресеніемъ Твоимъ, и воспѣвающе зовемъ: осанна



въ вышнихъ, благословенъ грядый во имя Господне.

**Величаніе.** Величаемъ Тя, Живодавче Христе, осанна въ вышнихъ и мы Тебѣ воніемъ: благословенъ грядый во имя Господне.

**Прокимень.** Гл. 4. Изъ устъ младенецъ и ссушихъ совершилъ еси хвалу.

**Стих. по Еванг.** Гл. 2. Днесъ Христосъ входитъ во градъ Виноанію, на жребяти сѣдѣй, безсловесіе разрѣшая языкъ злѣйшее, древле свирѣпѣющее.

**Ирмосы.** Гл. 4. 1. Явишася источники бездны, влаги непричастны, и открывшася моря волнуемая основанія бурю: маніемъ бо запретилъ еси ему, изрядныя же люди спаслъ еси, поющія побѣдную пѣснь Тебѣ, Господи.

3. Точащій краесѣкомый, повелѣніемъ Твоимъ, твердый ссаша камень израильстѣи людіе; камень же Ты еси, Христе и жизнь, на Немъ же утвердися Церковь, зовущая: осанна, благословенъ еси, грядый.

4. Христосъ, грядый явственно, Богъ нашъ, прійдетъ и не закоснитъ, отъ горы пріосѣненныя чащи, Отроковицы, раждающія неискусомужныя, пророкъ древле глаголетъ; тѣмъ вси вопіемъ: слава силѣ Твоей, Господи.

5. На гору Сіонъ взыди, благовѣтствуяй, и Іерусалиму проповѣдуяй, въ крѣпости вознести гласъ: преславная глаголашася о тебѣ, граде Божій; миръ на Израиля и спасеніе языкомъ.

6. Возопиша съ веселіемъ праведныхъ души: нынѣ міру завѣтъ новый завѣщается, и кропле-ніемъ да обновятся людіе Божія крове.

Конданъ. Гл. 6. На престолѣ на небеси, на жребити на земли носимый, Христе Боже, ангеловъ хваленіе и дѣтей воспѣваніе пріялъ еси, зовущихъ Ти: благословенъ еси грядый Адама воззвати.

7. Спасый въ огни авраамскія Твоя отроки, и халдеи убивъ, яже правда праведно уловляше, препѣтый Господи Боже отецъ нашихъ, благословенъ еси.

8. Веселися, Іерусалиме; торжествуйте, любящія Сіона; царствуяй бо во вѣки Господь силъ прииде; да благоговѣтъ вся земля отъ лица Его, и да во-піетъ: благословите, вся дѣла Господня, Господа.

9. Богъ Господь и явился намъ, составите праздни-къ, и веселящися приидите, возвеличимъ Хри-ста, съ ваіами и вѣтвми. пѣсньми зовуще: благо-словенъ грядый во имя Господа Спаса нашего.

Стих. хвал. Прежде шести дней пасхи....

Антифоны литургіи. Гл. 2 1. Возлюбихъ, яко услышитъ Господь гласъ моленія моего Молитвами Богородицы, Спасе, спаси насъ.

Яко приклони ухо Свое мнѣ, и во дни моя при-зову Молитвами...

2. Вѣровахъ, тѣмже возглаголахъ: азъ же сми-рихся зѣло. Спаси ны, Сыне Божій, возсѣдый на жребя, поющія Ти: аллилуія.

Молитвы моя Господеви воздамъ, предъ всѣми людьми Его.

Прокименъ. Гл. 4. Благословенъ грядый во имя Господне, Богъ Господь и явился намъ.

### Вознесеніе Господне.

Стих. Госп. воз. Гл. 6. Господь вознесся на небеса, да послеть Утѣшителя міру; небеса уготоваша престолъ Его, облацы восхожденіе Его; Ангели дивятся, человѣка зряще повыше себе; Отецъ ждетъ, Его же въ нѣдрахъ имать соприсносущна; Духъ же Святый велитъ всѣмъ ангеломъ Его: возмите врата, князи ваша; вси языцы восплещите руками, яко взыде Христосъ, идѣже бѣ первѣе.

Господи, Твоему вознесенію удивишася херувими. зряще Тебе Бога на облацѣхъ восходяща. на нихъ сѣдящаго; и славимъ Тя, яко блага милость Твоя, Слава Тебѣ.

Слава и нынѣ. Нѣдръ отеческихъ не разлучься, сладчайшій Іисусе, и съ земными яко человѣкъ поживъ, днесъ отъ горы Елеонскія вознесся еси во славу, и падшее естество наше милостивно вознесъ, Отцу спосадилъ еси; тѣмъже небесніи безплотныхъ чинове, чудеси удивляющеся, ужасахуся ужасомъ, и трепетомъ содержиши, Твое человѣколюбіе величаю; съ ними же и мы земніи, еже къ намъ Твое снисхожденіе, и еже отъ насъ вознесеніе славословяще, молимся глаголюще: ученики и рождшую Тя Богородицу, радости безчисленные исполнивый во Твое вознесеніе, и насъ сподоби избранныхъ

Твоихъ радости, молитвами ихъ, великія ради Твоея милости.

Стих. лит. Гл. 1. Ангели Твои, Господи, апостоломъ глаголаху: мужіе галилейстѣи, что стоите, зряще на небо; сей есть Христосъ Богъ, вознесыйся отъ васъ на небо, Той придетъ паки, имже образомъ видѣсте Его идуща на небо; послужити Ему въ преподобіи и правдѣ.

Стих. стих. Гл. 2. Родился еси, яко Самъ восхотѣлъ еси; явился еси, яко Самъ изволилъ еси; пострадалъ еси плотію, Боже нашъ; изъ мертвыхъ воскресъ еси, поправъ смерть; вознесся еси во славѣ, всяческая исполняяй, и послалъ еси намъ Духа Божественнаго, еже воспѣвати и славити Твое Божество.

Тропарь. Гл. 4. Вознесся еси во славѣ, Христе Боже нашъ, радость сотворивый ученикомъ обѣтованіемъ Святаго Духа, извѣщеннымъ имъ бывшимъ благословеніемъ, яко Ты еси Сынъ Божій, Избавитель міра.

Величаніе. Величаемъ Тя, Живодавче Христе, и почитаемъ еже на небеса, съ пречистою Твоею плотію, божественное вознесеніе.

Прокименъ. Гл. 4. Взыде Богъ въ воскликновеніи, Господь во гласѣ трубѣ.

Ирмосы. Гл. 5. 1. Спасителю Богу, въ мори люди немокрыми ногами наставляшему, и фараона со всевоинствомъ потопльшему, Тому Единому поимъ, яко прославися.

3. Силою креста Твоего, Христе, утверди мое помышленіе, во еже пѣти и славити спасительное Твое вознесеніе.

4. Услышахъ слухъ силы креста, яко рай отверзся имъ, и возолихъ: слава силъ Твоей, Господи.

5. Утреннююще воніемъ Ти, Господи: спаси ны, Ты бо еси Богъ нашъ, развѣ бо Тебе иного не знаемъ.

6. Обыде мя бездна, гробъ мнѣ китъ бысть, азъ же возопихъ къ Тебѣ, Человѣколюбцу, и спасе мя десница Твоя, Господи.

Кондакъ. Гл. 6. Еже о насъ исполнивъ смотреніе, и яже на земли соединивъ небеснымъ, вознеслся еси во славѣ, Христе Боже нашъ, никакоже отлучаяся, но пребывая неотступный, и вопія любящимъ Тя: Азъ есмь съ вами, и никтоже на вы.

7. Въ пещи огненнѣй пѣснословцы спасый отроки, благословенъ Богъ отецъ нашихъ.

8. Изъ Отца прежде вѣкъ рожденнаго Сына и Бога, и въ послѣдняя лѣта воплощеннаго отъ Дѣвы Матере, священницы пойте, людіе превозносите во вся вѣки.

Припѣвы: Величай, душе моя, вознесшагося отъ земли на небо, Христа Жизнодавца.

Ангели восхождение Владыки зряще ужасавшися, како со славою взялся отъ земли на горняя.

9. Тя паче ума и словесе Матерь Божию, въ лѣто безлѣтнаго неизреченно рождшую, вѣрніи, едино-мудренно величаемъ.

**Стих. хвал.** Родился еси ... *См. стр. 89.*

**Антифоны литургіи.** 1. Все языцы восплещите руками, воскликните Богу глазомъ радованія. Молитвами Богородицы, Спасе, спаси насъ.

Взыде Богъ въ воскликновеніи, Господь во гла-сѣ трубнѣ.

2. Велий Господь и хваленъ зѣло, во градѣ Бога нашего, въ горѣ святѣй Его. Спаси ны, Сыне Божій, вознесыйся во славу, поющія Ти: аллилуія.

Богъ въ тяжестѣхъ Его знаемъ есть, егда за-ступаетъ и.

**Прокимень.** Гл. 7. Вознесися на небеса, Боже, и по всей земли слава Твоя.

### Троицынъ день.

**Стих. Госп. воз.** Гл. 1. Пятдесятницу праздну-имъ, и Духа пришествіе, и предложеніе обѣщанія, и надежды исполненіе, и таинство елико. яко ве-лико же и честно; тѣмже вопіемъ Ти: Содѣтелю всѣхъ Господи, слава Тебѣ.

Вся подаетъ Духъ Святой: точить пророчествія, священники совершаетъ, некнижныя мудрости на-учи, рыбаки богословцы показа, весь собираетъ со-боръ церковный; единосущне и сопрестольне Отцу и Сыну, Утѣшителю, слава Тебѣ.

**Слава и нынѣ.** Гл. 8. Приидите, людие, Трійпо-стасному Божеству поклонимся, Сыну во Отцѣ, со Святымъ Духомъ: Отецъ бо безлѣтно роди Сына

соприсносушна и сопрестольна, и Духъ Святый бѣ во Отцѣ, съ Сыномъ прославляемъ; едина Сила, едино Существо, едино Божество, Емуже поклоняющеся вси глаголемъ: Святый Боже, вся содѣявый Сыномъ, содѣйствомъ Святаго Духа; Святый Крѣпкій, Имже Отца познахомъ, и Духъ Святый прииде въ міръ; Святый Безсмертный, утѣшительный Душе, отъ Отца исходяй и въ Сынѣ почиваяй; Троице Святая, слава Тебѣ.

**Стих. литіи. Гл. 8.** Егда Духа Твоего послалъ еси, Господи, сѣдящимъ апостоломъ, тогда еврейскія дѣти зряще ужасахуся ужасомъ: слышаху бо я вѣщающа иными странными языки, якоже Духъ подаваше имъ; невѣжди бо суще, умудришася, и языки въ вѣру уловивше, божественная витѣйствоваху; тѣмже и мы вопіемъ Ти: иже на земли явлейся и отъ прелести спасый насъ, Господи, слава Тебѣ.

**Стих. стих. Гл. 6.** Царю небесный, Утѣшителю, Душе истины, Иже вездѣ сый. и вся исполняй, сокровище благихъ, и жизни подателю, прииди и вселися въ ны, и очисти ны отъ всякія скверны, и спаси, Блаже, души наша.

**Тропарь. Гл. 8.** Благословенъ еси, Христе Боже нашъ, Иже премудры ловцы явлей, низпославъ имъ Духа Святаго, и тѣми уловлей вселенную, Человѣколюбче, слава Тебѣ.

**Величаніе.** Величаемъ Тя, Живодавче Христе, и чтемъ всесвятаго Духа Твоего. Егоже отъ Отца послалъ еси Божественнымъ ученикомъ Твоимъ.

Прѣкимень. Гл. 4. Духъ Твой Благій наста-  
вить мя на землю праву.

Ирмосы. Гл. 4. 1. Божественнымъ покровенъ  
медленноязычный мракомъ, извитійствова богописан-  
ный законъ: тину бо отрясъ очесе умнаго, видитъ  
Сущаго, и научается Духа разуму, хваля божествен-  
ными пѣсньми.

3. Разверзе утробы нечадствовавшія узы, до-  
саду же неудоботерпиму благочадствующія, едина  
молитва пророчицы древле Анны, носящія духъ со-  
крушенъ, къ Сильному и Богу разумовъ.

4. Царю царей, яковый отъ яковаго Единъ Сло-  
ве, произшедый отъ Отца безвиновнаго, равноощ-  
наго Твоего Духа апостоломъ истинно послалъ еси,  
яко благодѣтеля поющимъ: слава державѣ Твоей,  
Господи.

5. Рѣшительное очищеніе грѣховъ, огнедохно-  
венную пріимите Духа росу, о, чада свѣтообразная  
церковная: нынѣ отъ Сіона бо изыде законъ, языко-  
огнеобразная Духа благодать.

6. Очищеніе намъ, Христе, и спасеніе, Влады-  
ко, возсіалъ еси отъ Дѣвы, да, яко пророка, отъ  
звѣря морскаго персей Іону, отъ тли исхитиши,  
всего Адама всеродна падшаго.

Конданъ. Гл. 8. Егда снизшедъ языки слія,  
раздѣляше языки Вышній; егда же огненные языки  
раздаяше, въ соединеніе вся призва, и согласно  
славимъ Всесвятаго Духа.



7. Согласно возшумѣ органская пѣснь, почитати златосотворенный бездушный истуканъ; Утѣшителя же свѣтоносная благодать почествуетъ, еже вопити: Троице Единая, равносильная, безначальная, благословена еси.

8. Разрѣшаетъ узы, и орошаетъ пламень три-свѣтлый Богоначаліа образъ, поютъ отроцы, благословить же единого Спаса и Вседѣтеля, яко благодѣтеля, сотворенная всяческая тварь.

9. Радуйся, Царице, матеродѣвственная славо: всяка бо удобообращательная благоглаголивая уставитійствовати не могутъ, Тебе пѣти достойно: изумѣваетъ же умъ всякъ Твое рождество разумѣти; тѣмже Тя согласно славимъ.

Стих. хвал. Царю небесный...

Антифоны лит. Гл. 2. 1. Небеса повѣдаютъ славу Божію, твореніе же руку Его возвѣщаетъ твердь. Молитвами Богородицы, Спасе, спаси насъ.

2. Услышитъ тя Господь въ день печали, защититъ тя имя Бога Іаковля. Спаси ны, Утѣшителя Благіи, поющія Ти: Аллилуія.

Прокимень. Гл. 8. Во всю землю изыде вѣщаніе ихъ, и въ концы вселенныя глаголы ихъ.

Преображеніе Господне. 6-е авг.

Стих. Гос. воз. Гл. 4. Прежде креста Твоего, Господи, гора небеси подобящися; и облакъ яко сѣнь протязашеся, Тебѣ преобразующуюся, отъ Отца же

свидѣтельствуему; тамо бѣ Петръ со Іаковомъ и Іоанномъ, яко хотяху быти съ Тобою и во время преданія Твоего, да видѣвше чудеса Твоя, не устроятся страданій Твоихъ; имже поклонитися намъ въ миръ сподоби, великія ради Твоея милости.

Прежде креста Твоего, Господи, поимъ ученики на гору высокую, преобразился еси предъ ними, лучею силы озаряя ихъ, отсюду убо челоуѣколюбіемъ, отъонуду властію, показати хотя воскресенія свѣтлость; егоже и насъ, Боже, въ миръ сподоби, яко милостивъ и челоуѣколюбець.

Слава и нынѣ. Гл. 6. Прообразуя воскресеніе Твое, Христе Боже, тогда поятъ три Твоя ученики, Петра и Іакова и Іоанна, на Ѡаворъ восшелъ еси; Тебѣ же, Спасе, преобразующуся, Ѡаворская гора свѣтомъ покрывашеся; ученицы Твои, Слове, повергоша себе долу на земли, не терпяще зрѣти невидимаго зрака; ангели служаху страхомъ и трепетомъ; небеса убояшася; земля вострепета, видяще на земли славы Господа.

Стих. лит. Гл. 2. Иже свѣтомъ Твоимъ всю вселенную освятивъ, на горѣ высоцѣ преобразился еси, Блаже, показавъ ученикомъ Твоимъ силу Твою, яко міръ избавляеши отъ преступленія; тѣмже воіемъ Ти: милосерде Господи, спаси души наша.

Тропарь. Гл. 7. Преобразился еси на горѣ, Христе Боже, показавый ученикомъ Твоимъ славу Твою, якоже можаху, да возсіяетъ и намъ, грѣшнымъ,

свѣтъ Твой присносущный, молитвами Богородицы, Свѣтодавче, слава Тебѣ.

Величаніе. Величаемъ Тя, Живодавче Христе, и почитаемъ пречистыя плоти Твоея преславное преображеніе.

Прокимень. Гл. 4. Ѡаворъ и Ермонъ о имени Твоемъ возрадуется.

Ирмосы. Гл. 4. 1. Лицы израильтестіи, невлажными стопами Понѣтъ Чермный и влажную глубину прогнавши, всадники тристаты враги видяще въ ней погружены, съ веселіемъ пояху: поимъ Богу нашему, яко прославися.

3. Лукъ сильныхъ изнеможе, и немощствующіи препосаяшася силою: сего ради утвердися въ Господѣ сердце мое.

4. Услышахъ славное смотреніе Твое, Христе Боже, яко родился еси отъ Дѣвы, да отъ лести избавиши зовущія: слава силѣ Твоей, Господи.

5. Отъ свѣта пресѣкій первородный свѣтъ, яко во свѣтѣ дѣла поють Тя, Христе, Содѣтеля: во свѣтѣ Твоемъ пути наша направи.

6. Внегда скорбѣти ми, возопихъ ко Господу, и услыша мя Богъ спасенія моего.

Кондакъ. Гл. 7. На горѣ преобразился еси, и якоже вмѣшаху ученицы Твои, славу Твою, Христе Боже, видѣша: да егда Тя узрятъ распинаема, страданіе убо уразумѣють вольное, мірови же проповѣдаютъ, яко Ты еси воистинну Отчее сіяніе.

7. Авраамстѣи иногда въ Вавилонѣ отроцы пещный пламень попраша, пѣсньми взывающе: отецъ нашихъ Боже благословенъ еси.

8. Въ Вавилонѣ отроцы божественною расплаями ревностію, мучителя и пламене прещеніе мужески попраша, и посредѣ огня ввержени, орошаеми пояху: благословите, вся дѣла Господня, Господа.

Припѣвъ. Величай, душе моя, на Ѡаворѣ преобразившагося Господа.

9. Рождество Твое нетлѣнно явися: Богъ изъ боку Твоею пройде, яко плотоносецъ явися на земли, и съ человѣки поживе. Тя, Богородице, тѣмъ вси величаемъ.

Стих. хвал. Гл. 8. Поютъ Христосъ Петра, Іакова и Іоанна, на гору високу едины. и преобразися предъ ними: и просвѣтися лице Его яко солнце, ризы же Его быша бѣлы яко свѣтъ, и явишася Моисей и Ілія съ Нимъ глаголюще, и облакъ свѣтелъ оѣни ихъ, и се гласъ изъ облака глаголющъ: Сей есть Сынъ Мой возлюбленный, о Немже благоволихъ, Того послушайте.

Антифоны литургіи. 1. Воскликните Господеви вся земля, пойте же имени Его, дадите славу хвалѣ Его. Молитвами Богородицы, Спасе, спаси насъ.

Во исповѣданіе и въ велелѣлоту облеклся еси, одѣяйся свѣтомъ яко ризою.

2. Горы Сіонскія, ребра сѣверова, градъ Царя великаго. Спаси ны, Сыне Божій, преобразивыйся на горѣ, поющія Ти: аллилуіа.

Прокимень. Гл. 4. Яко возвеличишася дѣла Твоя, Господи, вся премудростію сотворилъ еси.

---

### Успеніе Пресвятыя Богородицы. 15-е авг.

Стих. Госп. воз. Гл. 1. О, дивное чудо: Источникъ Жизни во гробѣ полагается, и дѣствица къ небеси гробъ бываетъ; веселися, Геосиманіе, Богородиченъ святой доме; возоніемъ, вѣрніи, Гавріила имуще чиноначальника: благодатная, радуйся, съ Тобою Господь, подай мірови Тобою велію милость.

Дивны Твоя тайны, Богородице: Вышняго престолъ явилася еси, Владычице, и отъ земли къ небеси представилася еси днесь; слава Твоя боголѣпная, богоподобными сіяющи чудесы; дѣвы съ Матерію Царевою на высоту вознеситесь; благодатная, радуйся, съ Тобою Господь, подай мірови Тобою велію милость.

Твое славятъ успеніе, власти и престолы, начала и господства, силы и херувими, и страшніи серафими; радуются земнородніи, о божественнѣй Твоей славѣ красящиеся; припадаютъ царіе со архангелы и ангелы, и воспѣваютъ: благодатная, радуйся, съ Тобою Господь, подай мірови Тобою велію милость.

Стих. лит. Гл. 1. Подобаше самовидцемъ Слова и слугамъ, и еже по плоти Матере Его успеніе видѣти, конечное елико на Ней таинство: яко да не токмо еже отъ земли Спасово восхожденіе узрятъ,

но и рождшія Его преставленію свидѣтельствуяють; тѣмже отвсюду божественною силою собравшеся, Сіона достигоша, и на небо Идущую предсылаху вышшую херувимъ; Ейже и мы съ ними поклоняемяся, яко молящейся о душахъ нашихъ.

Стих. стих. Гл. 4. Прїидите, воспоемъ, людїе, пресвятую Дѣву чистую, изъ Неяже неизреченно пройде, воплощя Слово Отчее, зовуще и глаголюще: благословенна Ты въ женахъ, блаженное чрево, виѣстившее Христа; Того святымъ рукама душу предавши, молися, пречистая, спастися душамъ нашимъ.

Тропарь. Гл. 1. Въ рождествѣ дѣвство сохранила еси, во успеніи міра не оставила еси, Богородице, претавилася еси къ Животу, Мати сущи Живота, и молитвами Твоими избавляеши отъ смерти души наша.

Величаніе. Величаемъ Тя, пренепорочная Мати Христа Бога нашего, и всеславное славимъ успеніе Твое.

Ирмосы. Гл. 1. Преукрашенная божественною славою, священная и славная, Дѣво, память Твоя, вся собра къ веселію вѣрныхъ, начинающей Марїамъ съ лики и тимпаны, Твоему поющія Единородному: славно, яко прославися.

3. Содѣтельная и содержительная всѣхъ, Божія мудросте и сило, непреклонну, недвижиму Церковь утверди, Христе: единъ бо еси святъ, во святыхъ почивай.

4. Рѣчи пророковъ и гаданія, воплощеніе проявиша отъ Дѣвы Твое, Христе; сіяніе блистанія Твоего во свѣтъ языковъ изыдетъ, и возгласитъ Тебѣ бездна съ веселіемъ: силѣ Твоей слава, Человѣколюбче.

5. Божію и неизреченную доброту, добродѣтелей Твоихъ, Христе, исповѣмъ: отъ присносущныя бо Славы, соприсносущенное и вностащенное возсіявый сіяніе, изъ дѣвственныхъ утробы, сущимъ во тмѣ и сѣни, воплощаясь, возсіялъ еси, Солнце.

6. Морскій пучинородный китовъ внутренній огонь, тридневнаго Твоего погребенія проображеніе, егоже Іона пророкъ показася; спасенъ бо, яко и предпослася, неврежденъ во нѣмъ: пожру Ти со гласомъ хваленія Господи.

Кондакъ. Гл. 2. Въ молитвахъ неусыпающую Богородицу, и въ предстательствахъ непреложное упованіе, гробъ и умерщвленіе не удержаста: якоже бо Живота Матерь, къ Животу престаи, во утробу Вселивыйся приснодѣвственную.

7. Безстуднѣй ярости же и огню божественное желаніе сопротивляся; огонь убо орошаше, ярости же смѣяшеся, богодохновенною словесною преподобныхъ тривѣщанною цѣвницею, противовѣщая мусикійскимъ органомъ посреди пламене: препрославленный отецъ и нашъ Боже благословенъ еси.

8. Пламень орошающъ преподобныя, злочестьвыя же пополающъ, ангелъ Божій всемогущій показа отрокомъ, живоначальный же источникъ содѣ-

ла Богородицу, тлю смерти и животъ точашу поющимъ: Содѣтеля Единого поимъ, избавленіи, и превозносимъ во вся вѣки.

Припѣвы. Ангели, успеніе Пречистыя видѣвше удивишася, како Дѣва восходитъ отъ земли на небо.

9. Побѣждаютъ естества уставы въ Тебѣ, Дѣво чистая: дѣвствуетъ бо рождество, и животъ предбручаетъ смерть; по рождествѣ Дѣва, и по смерти жива, спасаеши присно, Богородице, наслѣдіе Твое.

Стих. хвал. Гл. 6. На безсмертное Твое успеніе, Богородице Мати Живота, облацы апостолы по воздуху восхищаху, и по міру разсѣянные во единомъ лицѣ предсташа пресвятому Твоему тѣлу, еже и погребше честно, гласъ Тебѣ Гавріиловъ поюще, вопіяху: радуйся, благодатная Дѣво, Мати безневѣстная, Господь съ Тобою; съ нимиже, яко Сына Твоего и Бога нашего, моли спастися душамъ нашимъ.

---

## Избранныя пѣснопѣнія Господу Іисусу и Пресв. Богородицѣ.

Поцѣлуй насъ, Господи... См. стр. 43.

Всемиловитому Спасу.

Тропари. Гл. 8. Съ вышнихъ призираяй, убогія приемай, посѣти насъ озлобленные грѣхи, Вла-



дыко Всемиловитве, молитвами Богородицы даруй душамъ нашимъ велию милость.

Гл. 2. Пречистому Твоему образу поклоняемся, Благій, просяще прощенія прегрѣшеній нашихъ, Христе Боже: волею бо благоволилъ еси плотию взыти на крестъ, да избавиши, яже создалъ еси, отъ работы вражія; тѣмъ благодарственно вопіемъ Ти: радости исполнилъ еси вся, Спасе нашъ, пришедый спасти міръ.

Кондаки. Гл. 8. Возбранный Воеводо и Господи, ада Побѣдителю, яко избавлься отъ вѣчныя смерти, похвальная восписую Ти, созданіе и рабъ Твой. но, яко имѣяй милосердіе неизреченное, отъ всякихъ мя бѣдъ свободи, зовуща: Исусе, Сыне Божій, помилуй мя.

О, пресладкій и всещедрый Исусе. прими нынѣ малое моленіе сіе наше, яко же пріялъ еси вдовицы два лепта, и сохрани достояніе Твое отъ врагъ видимыхъ и невидимыхъ, отъ нашествія иноплеменикъ, отъ недуга и глада, отъ всякія скорби, и смертоносныя раны, и грядущія изми муки всѣхъ, вопіющихъ Ти: аллилуіа.

Избави отъ бѣдъ рабы Твоя, Христе Многомилостиве, яко мы усердно къ Тебѣ прибѣгаемъ, къ милостивому Избавителю, всѣхъ Владыцѣ, Господу Исусу.

## Пресвятой Богородицѣ.

Тропарь. Гл. 4. Къ Богородицѣ прилежно нынѣ претецемъ, грѣшніи и смиренніи, и припадемъ, въ покаяніи зовуще изъ глубины души: Владычице, помози, на ны милосердовавши; потщися, погибаемъ отъ множества прегрѣшеній, не отврати Твоя рабы тщи, Тя бо и едину надежду имамы.

Кондаки. Гл. 6. Не имамы иныя помощи, не имамы иныя надежды, развѣ Тебе, Владычице, Ты намъ помози, на Тебе надѣмся, и Тобою хвалимся: Твои бо есмы рабы, да не постыдимся.

О, всепѣтая Мати, рождающая всѣхъ святыхъ святѣйшее Слово, нынѣшнее пріемши приношеніе, отъ всякія избави напасти всѣхъ, и будущія изми муки, Тебѣ вопіющихъ: аллилуіа.

Стихиры. Гл. 2. Высшую небесъ и чистшую свѣтлостей солнечныхъ, избавльшую насъ отъ клятвы, Владычицу міра пѣснями почитимъ.

Отъ многихъ моихъ грѣховъ немощствуетъ тѣло, немощствуетъ и душа моя: къ Тебѣ прибѣгаю Благодатѣй, надеждо ненадежныхъ, Ты ми помози.

Владычице и Мати Избавителя, пріими моленіе недостойныхъ рабъ Твоихъ, да ходатайствуеши къ Рождшемуся отъ Тебе: о, Владычице міра, буди ходатаица.

Поемъ прилежно Тебѣ пѣснь нынѣ, всепѣтой Богородицѣ, радостно, со Предтечею и всѣми святыми; моли, Богородице, еже ущедрити ны.

Вся ангеловъ воинства, Предтече Господень, апостоловъ двенадесятице, святѣи вси съ Богородицею, сотворите молитву, во еже спастися намъ.

Спаси отъ бѣдъ рабы Твоя, Богородице, яко вси по Бозѣ къ Тебѣ прибѣгаемъ, яко нерушимѣй стѣнѣ и предстательству.

Призри благосердіемъ, вселѣтая Богородице, на мое лютое тѣлесе озлобленіе и исцѣли души моя болѣзнь.

---

## Тропари святыхъ, и особыхъ празднествъ.

1 сент. и 1 янв. Начало новолѣтія.

Тропарь. Гл. 2. Всея твари Содѣтелю, времена и лѣта во Своей власти положивый, благослови вѣнецъ лѣта благости Твоея, Господи, сохраняя въ мирѣ Императора и градъ Твой, молитвами Богородицы, и спаси ны.

4 сент. Свят. Іоасафу Бѣлгородскому.

Тропарь. Гл. 2. Молитвенниче издѣтства презрядный, богоизбранный святителю Іоасафе, правило вѣры и образъ милосердія благочестнымъ житіемъ всѣмъ являеши, и съ вѣрою къ тебѣ притекающимъ обильно исцѣленія источаеши. Моли Христа Бога, да утвердитъ въ державѣ россійстѣй правовѣріе, миръ и благочестіе, и спасетъ души наша.

## 9 сент. Свят. Θεодосію Черниговскому.

Тропарь. Гл. 4. Преудобренъ во архіереехъ, святителю Θεодосіе, былъ еси свѣтильникъ своему стаду, таже преставился еси въ вѣчныя обители; умоли у престола Царя славы избавитися намъ отъ находящихся на ны золь, и спастися душамъ нашимъ, святе, молитвами твоими.

## 24 сент. Преп. Галактіону Вологодскому.

Тропарь. Гл. 4. Днесъ градъ нашъ тобою хвалится, преподобие, возсіалъ бо еси пресвѣтло яко солнце, озаряя чудесы твоими грады и веси; и нынѣ, преподобномучениче Галактіоне, молися Господеву избавитися граду нашему отъ нахождения сопротивныхъ, и испроси у Христа Бога прегрѣшеній оставленіе, и отъ всякія скорби избавленіе, любовію чтущимъ тя, и вопіющимъ вѣрно: Богъ нашъ съ нами, прославивый угодника Своего, якоже благоволи.

## 25 сент. и 5 іюля Преп. Сергію Радонежскому.

Тропарь. Гл. 4. Иже добродѣтелей подвижникъ, яко истинный воинъ Христа Бога, на страсти вельми подвизался еси въ жизни временнѣй, въ пѣніихъ, бдѣніихъ же и пощеніихъ образъ бывъ твоимъ ученикомъ; тѣмже и вселися въ тя Пресвятыи Духъ, Егоже дѣйствіемъ свѣтло украшенъ еси, но яко имѣя дерзновеніе ко Святѣй Троицѣ, поминай стадо, еже собралъ еси мудрѣ, и не забуди якоже общался еси, посѣщая чадъ твоихъ, Сергіе преподобие отче нашъ.

26 сент. Св. ап. Іоанну Богослову.

Тропарь. Гл. 2. Апостоле, Христу Богу возлюбленне, ускори избавити люди безотвѣтны: пріемлетъ ты припадающа, Иже падша на перси пріемый, Егоже моли, Богослове. илежащую мглу языковъ разгнати, прося намъ мира и велія милости.

1 окт. Покрову Пресв. Богородицы.

Тропарь. Гл. 4. Днесь, благовѣрніи людіе, свѣтло празднуемъ, осѣняеми Твоимъ, Богомати, прішествіемъ, и къ Твоему взирающе пречистому образу, умильно глаголемъ: покрый насъ честнымъ Твоимъ покровомъ, и избави насъ отъ всякаго зла. молящи Сына Твоего, Христа Бога нашего, спасти души наша.

5 окт. Свят. Петру, Алексію, Іонѣ и Филиппу.

Тропарь. Гл. 4. Первопрѣстольницы россійстіи, истинніи хранителіе апостольскихъ преданій, столпи непоколебиміи, православія наставницы, Петре и Алексіе, Іоно и Филиппе, Владыку всѣхъ молити, миръ вселеннѣй даровати, и душамъ нашимъ велію милость.

22 окт. и 8 іюля Казанской иконѣ Богоматери.

Тропарь. Гл. 4. Заступнице усердная, Мати Господа Вышняго, за всѣхъ молиши Сына Твоего, Христа Бога нашего, и всѣмъ твориши спастися, вѣ державный Твой покровъ прибѣгающимъ. Всѣхъ насъ заступи, о, Госпоже, Царице и Владычице, иже

въ напастехъ и скорбехъ, и въ болѣзняхъ обремененныхъ грѣхи многими, предстоящихъ и молящихся Тебѣ умиленною душою и сокрушеннымъ сердцемъ, предъ пречистымъ Твоимъ образомъ со слезами, и невозвратно надежду имущихъ на Тя избавленія всѣхъ золъ, всѣмъ полезная даруй, и вся спаси, Богородице Дѣво: Ты бо еси божественный покровъ рабомъ Твоимъ.

### 8 ноябр. Соборъ архистратига Михаила.

Тропарь. Гл. 4. Небесныхъ воинствъ архистратизи, молимъ васъ присно мы недостойніи, да вашими молитвами оградите насъ кровомъ крилъ невещественныя вашей славы, сохраняюще ны припадающія прилежно и вопіющія: отъ бѣдъ избавите ны, яко чиноначальницы вышнихъ силъ.

### 6 дек. Свят. Николаю Мирликійскому.

Тропарь. Гл. 4. Правило вѣры и образъ кротости, воздержанія учителя яви тя стаду твоему, яже вещей истина; сего ради стяжалъ еси смиреніемъ высокая, нищетою богатая; отче священноначальниче Николае, моли Христа Бога спастися душамъ нашимъ.

### 1 янв. Обрѣзаніе Господне.

Тропарь. Гл. 1. На престолѣ огнезрачиѣмъ въ вышнихъ Сѣдѣй со Отцемъ безначальнымъ, и Божественнымъ Твоимъ Духомъ, благоволилъ еси родитися на земли, отъ отроковицы неискусомужныя

Твоя Матере, Иисусе; сего ради и обрѣзанъ былъ еси яко человекъ осмодневный; слава всеблаговому Твоему совѣту, слава смотрѣнію Твоему, слава снисхожденію Твоему, едине Человѣколюбче.

28 янв. Преп. Θεодосію Тотемскому.

Тропарь. Гл. 1. Отъ юности, преподобне Θεодосіе, желаніе свое ко Христу Богу вперивъ, Его же ради градъ и отечество оставль, и славу суетную яко прахъ вмѣнивъ, послѣдовалъ еси преподобному Димитрію, и обители его сожитель былъ еси; преселився же ко граду Тотъмѣ, и въ междорѣчіе вселився, постомъ и бдѣніемъ и власнымъ одѣяніемъ, и веригами тѣло свое удручилъ еси: сего ради Богъ видѣ твоя труды, и по представленіи чудесы обогати тя: бѣсы изгоняеши, и слѣпыя просвѣщаеши, отъ всякихъ недугъ и бѣдъ избавляеши приходящихъ къ тебѣ съ вѣрою, и вопіющихъ: слава давшему ти крѣпость, слава вѣнчавшему тя, слава дающему тобою всѣмъ исцѣленія.

30 янв. Тремъ Святителямъ.

Тропарь. Гл. 4. Яко апостоловъ единонравніи и вселенныя учителяе, Владыку всѣхъ молите, миръ вселеннѣй даровати, и душамъ нашимъ велію милость.

11 февр. Преп. Димитрію Прилуцкому.

Тропарь. Гл. 1. Свыше отъ Бога, преподобие, благодать пріялъ еси духовную, и отъ Него убо

познался еси, блаженне; того ради и ты духомъ позналъ еси лучшая Его, будущаго вѣка пребываніе, и постнически испытався во своихъ обителехъ; и нынѣ со ангелы ликовствуя, Спасу всѣхъ за ны молися, святе Димитріе, да вси вопіемъ: слава давшему ти крѣпость, слава вѣнчавшему тя, слава дѣйствующему тобою всѣмъ исцѣленія.

**4 марта. Преп. Герасиму Вологодскому.**

Тропарь. Гл. 4. Яко безплотнымъ единоправенъ и преподобнымъ сообщникъ, преподобіе Герасиме, единъ на Вологду пришелъ еси, прорицая ту быти граду великому, и въ немъ святѣй церкви воздвигнутися и святителемъ водворитися; тѣмже сподобился еси близъ того погребенъ быти, и по преставленіи своемъ многими чудесы исцѣленій просіялъ еси; молися всегда о насъ, яко да обрящемъ отъ Бога милость.

**23 апр. Св. Георгію Побѣдоносцу.**

Тропарь. Гл. 4. Яко плѣнныхъ свободитель, и нищихъ защититель, немощствующихъ врачъ, царей поборниче, побѣдоносче, великомучениче Георгіе, моли Христа Бога, спастися душамъ нашимъ.

**26 апр. Свят. Стефану Пермскому.**

Тропарь. Гл. 4. Божественнымъ желаніемъ отъ юнаго возраста, Стефане премудре, разжегся, яремъ Христовъ взялъ еси, и людій оладенѣвшая древле невѣріемъ сердца, божественное сѣмя въ нихъ сѣ-



явъ, евангельски духовнѣ породилъ еси; тѣмже пресвѣтлую твою память почитающе, молимъ тя: моли Его же проповѣдалъ еси, да спасеть души наша.

9 мая. Свят. Николаю Чудотворцу.

Тропарь. Гл. 4. Приспѣ день свѣтлаго торжества, градъ Барскій радуется, и съ нимъ вселенная вся ликуетствуетъ пѣснями и пѣнными духовными: днесъ бо священное торжество, въ пренесеніе честныхъ и многоцѣлебныхъ мощей святителя и чудотворца Николая, якоже солнце незаходимое возсія, свѣтозарными лучами, разгоняя тьму искушеній же и бѣдъ, отъ вопіющихъ вѣрно: спасай насъ, яко предстатель нашъ, великій Николае.

11 мая. Равноап. Кириллу и Меѳодію.

Тропарь. Гл. 4. Яко апостоломъ единоправніи и словенскихъ странъ учителіе, Кирилле и Меѳодіе богомудріи, Владыку всѣхъ молитѣ, вся языки словенскія утвердити въ православіи и единомысліи, умирити міръ и спасти души наша.

12 іюня. Бл. В. Кн. Аннѣ Кашинской.

Тропарь. Гл. 3. Днесъ восхваляемъ тя, преподобная мати, великая княгиня Анна; яко бо лоза плодovitа посреде́ терніа, процвѣла еси во градѣ Кашинѣ твоими добродѣтелями. всѣхъ удивила еси чуднымъ твоимъ житіемъ; тѣмже Христу Богу угодила еси, и нынѣ радующися и веселящися пребываеши съ лики преподобныхъ женъ, наслаждающихся

райскія красоты и веселія. Молимъ убо ты, моли о насъ Человѣколюбца Христа Бога нашего, даровати намъ миръ и велию милость.

29 іюня. Св. ап. Петру и Павлу.

Тропарь. Гл. 4. Апостоловъ первопрестольницы, и вселенныя учителіе, Владыку всѣхъ молите, миръ вселеннѣй даровати, и душамъ нашимъ велию милость.

8 іюля Прав. Прокопію Устюжскому.

Тропарь. Гл. 4. Просвѣтився божественною благодатию, богомудре, и весь разумъ въ сердцахъ отъ суетнаго міра сего къ Зиждителю неуклонно возложилъ еси: цѣломудріемъ и многимъ терпѣніемъ, во временнѣй жизни теченіе добръ скончавъ, и вѣру соблюлъ еси непорочну; тѣмже и по смерти явился свѣтлость житія твоего: источаеши бо чудесемъ источникъ неисчерпаемый, вѣрою притекающимъ къ святому твоему гробу, Прокопіе всеблаженне, моли Христа Бога, да спасетъ души наша.

15 іюля Св. кн. Владиміру.

Тропарь. Гл. 4. Уподобился еси купцу, ищущему добраго бисера, славнодержавный Владиміре, на высотѣ стола сѣдя матере градовъ, богоспасемаго Кіева, испытуюа же и посылая къ Царскому Граду увѣдѣти православную вѣру; и обрѣлъ еси безцѣнный бисеръ — Христа, избравшаго тя, яко втораго Павла, и отрясшаго слѣпоту въ святѣй ку-

пѣли—душевную, вкупѣ и тѣлесную. Тѣмже празднуемъ твое усненіе, людіе твои суще; моли спасти-ся державы твоя Россійскія начальникомъ, хри-столюбивому Императору, и множеству владомыхъ.

### 19 іюля Преп. Серафиму Саровскому.

Тропарь. Гл. 4. Отъ юности Христа возлюбилъ еси, блаженне, и Тому Единому работати пламеннѣ вожделѣвъ, непрестанною молитвою и трудомъ въ пустыни подвизался еси, умиленнымъ же сердцемъ любовь Христову стяжавъ, избранникъ возлюбленъ Божія Матере явился еси. сего ради вопіемъ ти: спасай насъ молитвами твоими, Серафиме, преподобіе отче нашъ.

### 20 іюля. Св. Пророку Іліи.

Тропарь. Гл. 4. Во плоти ангелъ, пророковъ основаніе, вторый предтеча пришествія Христова, Іліа славный, свыше пославый Елисееви благодать, недуги отгоняти, и прокаженныя очищати; тѣмже и почитающимъ его точить исцѣленія.

### 29 авг. Св. Іоанну Предтечѣ.

Тропарь. Гл. 2. Память праведнаго съ похва-лами, тебѣ же довлѣетъ свидѣтельство Господне, Предтече, показалъ бо ся еси воистинну и пророковъ честнѣйшій, яко и въ струяхъ крестити сподобился еси Проповѣданнаго; тѣмже за истину пострадавъ радуяся, благовѣстилъ еси и сущимъ во адѣ Бога

являшагося плотію, вземлющаго грѣхъ міра, и подающаго намъ велию милость.

30 авг. Св. Кн. Александру Невскому.

Тропарь. Гл. 4. Познай свою братію, російскій Іосифе, не въ Египтѣ, но на небеси царствующій, благовѣрный княже Александре, и пріими моленія ихъ, умножая жита людямъ плодоносіемъ земли твоея, грады владычествія твоего ограждая моленіемъ, и наслѣдникомъ твоимъ благовѣрнымъ Императорамъ нашимъ на сопротивныя споборствуя.

## Тропари общіе святымъ.

Св. Апостолу.

Тропарь. Гл. 3. Апостоле святыи (имя), моли милостиваго Бога, да прегрѣшеній оставленіе подастъ душамъ нашимъ.

Св. Отцамъ вселенскихъ соборовъ.

Тропарь. Гл. 8. Препрославленъ еси, Христе Боже нашъ, свѣтила на земли отцы наши основатель, и тѣми ко истиннѣй вѣрѣ вся ны наставивый, Многоблагоутробне, слава Тебѣ.

Святителю.

Тропарь. Гл. 4. Правило вѣры... См. стр. 108.

Проподобному и преподобной.

Тропарь. Гл. 8. Въ тебѣ, отче, (или мати) извѣстно спасеся еже по образу: пріимъ бо крестъ

послѣдовалъ еси Христу, и дѣя училъ еси презирати убо плоть, переходить бо, прилѣжати-же о души, вещи безсмертѣй; тѣмже и со ангелы срадуется, преподобие (имя), духъ твой.

### Мученику.

Тропарь. Гл. 4. Мученикъ Твой, Господи (имя), во страданіи своемъ вѣнецъ пріять нетлѣнный отъ Тебе, Бога нашего: имѣяй бо крѣпость Твою, мучителей низложи, сокруши и демоновъ немощныя дерзости; того молитвами спаси души наша.

### Мученицѣ.

Тропарь. Гл. 4. Агница Твоя, Иисусе, (имя) зоветь велѣмъ гласомъ: Тебе, Женише мой, люблю, и Тебе ищущи страдальчествоую, и сраспинаюся и спогребаюся крещенію Твоему: и стражду Тебе ради, яко да царствую въ Тебѣ, и умираю за Тя, да и живу съ Тобою: но, яко жертву непорочную, приими мя, съ любовію пожержуюся Тебѣ. Тоя молитвами, яко Милостивъ, спаси души наша.

## Пѣснопѣнія молебна.

а) предъ началомъ всякаго добраго дѣла.

Тропарь. Гл. 2. Творче и Создателю всяческихъ, Боже, дѣла рукъ нашихъ, къ славѣ Твоей начинаемая, Твоимъ благословеніемъ спѣшно исправи, и насъ отъ всякаго зла избави, яко единъ всесиленъ и Человѣколюбецъ.

## б) о недужныхъ.

Тропарь. Гл. 4. Скорый въ заступленіи единый сый Христе, скорое свыше покажи посѣщеніе страждущимъ рабомъ Твоимъ (или рабу, рабѣ), и избави отъ недугъ и горькихъ болѣзней, и воздвигни во еже пѣти Тя, и славити непрестанно, молитвами Богородицы, едине Человѣколюбче.

## в) благодарственнаго.

Тропарь. Гл. 4. Благодарни суще недостойніи раби Твои, Господи, о Твоихъ великихъ благодѣяніихъ на насъ бывшихъ, славяще Тя хвалимъ, благословимъ, благодаримъ, поемъ и величаемъ Твое благоутробіе, и рабски любовію вопіемъ Ти: Благодѣтелю, Спасе нашъ, слава Тебѣ.

Кондакъ. Гл. 3. Твоихъ благодѣяній и даровъ туне яко раби непотребніи сподобльшеся, Владыко, къ Тебѣ усердно притекающе, благодареніе по силѣ приносимъ, и Тебе, яко благодѣтеля и творца славяще, вопіемъ: слава Тебѣ, Боже прещедрый.

Богородичень. Богородице, христіаномъ помощнице, Твое предстательство стяжавши раби Твои, благодарно Тебѣ вопіемъ: радуйся, пречистая Богородице Дѣво, и отъ всѣхъ насъ бѣдь Твоими молитвами всегда избави, едина вскорѣ предстательствующая.

Прокимень. Гл. 4. Воспою Господеви, благодѣявшему миѣ и пою имени Господа Вышняго.

Хвалебная пѣснь. Гл. 3. Тебе, Бога, хвалимъ, Тебе, Господа, исповѣдуемъ, Тебе превѣчнаго Отца вся земля величаетъ: Тебѣ вси ангели, Тебѣ небеса и вся силы, Тебѣ херувими и серафими непрестанными гласы взываютъ: святъ, святъ, святъ Господь Богъ Саваоѣъ, полны суть небеса и земля величества славы Твоея. Тебе преславный апостольскій ликъ, Тебе пророческое хвалебное число, Тебе хвалить пресвѣтлое мученическое воинство. Тебе по всей вселеннѣй исповѣдаетъ святая Церковь, Отца непостижимаго величества, поклоняемаго Твоего истиннаго и Единороднаго Сына, и святаго Утѣшителя Духа. Ты Царю славы, Христе, Ты Отца присносущный Сынъ еси: Ты ко избавленію приѣмля челоуѣка, не возгнушался еси дѣвическаго чрева; Ты, одолѣвъ смерти жало, отверзлъ еси вѣрующимъ царство небесное; Ты одесную Бога сѣдиши, во славу Отчей. Судія пріити вѣришися. Тебе убо просимъ: помози рабомъ Твоимъ, ихже честною кровію искупилъ еси; сподоби со святыми Твоими въ вѣчной славу Твоей царствовать. Спаси люди Твоя, Господи, и благослови достояніе Твое. исправи я и вознеси ихъ во вѣки; во вся дни благословимъ Тебе. и восхвалимъ имя Твое во вѣкъ и въ вѣкъ вѣка. Сподоби, Господи, въ день сей безъ грѣха сохранитися намъ; помилуй насъ, Господи, помилуй насъ; буди милость Твоя, Господи, на насъ, якоже уповахомъ на Тя; на Тя, Господи, уповахомъ, да не постыдимся во вѣки. Аминь.

## г) водосвятнаго.

Тропарі: Гл. 6. Еже радуйся Ангеломъ приимшая, и рождшая Зиждителя Твоего, Дѣво, спасай Тя величающія.

Воспѣваемъ Сына Твоего Богородице, и вопіемъ: пречистая Владычице, всякія бѣды избави рабы Твоя.

Царемъ, пророкомъ и апостоломъ и мученикомъ Ты еси похвала, и предстательница міру, Всенепорочная.

Языкъ всякъ православныхъ похваляетъ и блажитъ, и славить пречистое рождество Твое, Маріе богоневѣстная.

Дажь, Христе мой, и мнѣ, недостойному, долговъ оставленіе, молюся, Ты рождшія молитвами, яко благоутробенъ.

На Тя моя упованія возложихъ Богородице, спаси мя молитвами Твоими, и даруй ми прегрѣшеній оставленіе.

Оживи мя рождшая Жизнодавца и Спаса, спаси молитвами Твоими, благословенная надеждо душъ нашихъ.

Зиждителя всѣхъ во утробѣ Твоей зачєнная, Дѣво всенепорочная, молитвами Твоими спаси души наша.

Не презри моленія Твоихъ рабовъ, молимся Владычице Всепѣтая, яко да избавимся всякаго обстоянія.

Недуговъ и всякихъ болѣзней, и бѣдъ насъ свободи, къ священному Твоему покрову прибѣгающихъ.



Избави отъ всякаго прещенія находящаго рабы Твоя, пресвятая Владычице, и всякаго вреда душевнаго же и тѣлеснаго.

Спаси всѣхъ молитвами Твоими Дѣво Богородице, къ Тебѣ притекающихъ. и избави всякія нужды и скорби.

Кто притекаяй въ храмъ Твой Богородице, не приѣмлетъ скоро исцѣленія, душевнаго вкупѣ и тѣлеснаго. Пречистая.

Поемъ Тя Бога единаго въ Троицѣ, воцѣюще гласъ трисвятый, молящеся спасеніе получитьи.

Слава: Отца и Сына славословимъ, и Духа Святаго глаголюще: Троице Святая, спаси души наша.

И нынѣ: Неизреченно въ послѣдняя Заченшая, и рождающая Создателя Твоего, Дѣво спасай Тя величающія.

Милосердія двери.... См. стр. 44.

Тропаріи. Нынѣ наста время всѣхъ освящающее, и праведный насъ ждетъ Судія, но обратися, душе, къ покаянію, яко блудница зовущи со слезами: Господи, помилуй мя.

Водами одождивый Христе источникъ исцѣлений, во всечестнѣмъ храмѣ Дѣвы днесъ, Твоего благословенія окропленіемъ, отгоняеши недуги немощствующихъ, врачу душъ и тѣлесъ нашихъ.

Дѣва родила еси неискусобрачная, и Дѣва пребыла еси Мати безневѣстная, Богородице Маріе, Христа Бога нашего моли спастися намъ.

Пресвятая Богородице Дѣво, рукъ нашихъ дѣла исправи, и прощеніе прегрѣшеній нашихъ испроси, виегда пѣти намъ ангельское пѣніе.

Тропарі: Гл. 2. Твоихъ даровъ достойны насъ сотвори Богородице Дѣво, презираючи согрѣшенія наша, и подаючи исцѣленія вѣрою приѣмлющимъ благословеніе Твое, Пречистая.

Гл. 4. Источникъ исцѣленій имуще святіи безсребренницы, исцѣленія подаваете всѣмъ требующимъ, яко превеліхъ дарованій сподобльшіися, отъ приснотекущаго источника Спаса нашего: глаголетъ бо къ вамъ Господь, яко единоревнителемъ апостольскимъ: се дахъ вамъ власть на духи нечистыя, якоже тѣхъ изгонити и цѣлити всякій недугъ и всякую язю; тѣмже въ повелѣніихъ Его добръ жительствовавше, туне пріясте, туне подаваете, исцѣляюще страсти душъ и тѣлесъ нашихъ.

Призри на моленія Твоихъ рабъ Всенепорочная, утѣляючи люта на ны востанія, всякія скорби насъ измѣняючи: Тя бо едину твердое и извѣстное утвержденіе имамы, и Твое предстательство стяжахомъ, да не постыдимся Владычице, Тя призываючи, потщися на умоленіе Тебѣ вѣрно вопіющихъ: радуйся Владычице всѣхъ помощи, радости и покрове и спасеніе душъ нашихъ.

Владычице, пріими молитвы рабовъ Твоихъ, и избави насъ отъ всякія нужды и печали.

---

## Пѣснопѣнія о усопшихъ.

Тропарь: Гл. 8. Глубиною мудрости человѣколюбию вся строяй, и полезная всѣмъ подаваяй, Едине Содѣтелю упокой Господи души рабъ Твоихъ, на Тя бо упованіе возложиша, Творца и Зиждителя и Бога нашего.

Гл. 4. Со духи праведныхъ скончавшихся души рабъ Твоихъ, Спасе, упокой, сохраняя ихъ во блаженной жизни, яже у Тебе, Человѣколюбче.

Въ покоищи Твоемъ, Господи, идѣже вси святіи Твои упокоеваются, упокой и души рабъ Твоихъ, яко единъ еси Человѣколюбецъ.

Слава: Ты еси Богъ, сошедый во адъ, и узы окованныхъ разрѣшивый, Самъ и души рабъ Твоихъ упокой.

И нынѣ. Едина чистая и непорочная Дѣво. Бога безъ сѣмене рождающая. моли спастися душамъ ихъ.

Тропари: Гл. 5. Благословенъ еси, Господи, научи мя оправданіемъ твоимъ. (*Поется предъ каждымъ тропаремъ*).

Святыхъ ликъ обрѣте источникъ жизни, и дверь райскую, да обрящу и азъ путь покаяніемъ, погибшее овча азъ есмь, воззови мя, Спасе, и спаси мя.

Агнца Божія проповѣдавшие, и заклани бывше якоже агнцы, и къ жизни нестарѣемѣй, святіи, и

присносущій представльшеся; Того прилежно, мученицы, молитѣ, долговъ разрѣшеніе намъ даровати.

Въ путь узкій хождшіи прискорбный, вси въ житіи крестъ яко яремъ вземшіи, и Миѣ послѣдовавшіи вѣроу, приидите, насладитесь, ихже уготовахъ вамъ почестей и вѣнцовъ небесныхъ.

Образъ есмь неизреченныя Твоя славы, аще и язвы ношу прегрѣшеній: ущедри Твое созданіе, Владыко, и очисти Твоимъ благоутробіемъ, и возжелѣнное отечество подаждь ми, рая паки жителя мя сотворяя.

Древле убо отъ несущихъ Создавый мя, и образомъ Твоимъ божественнымъ почтый, преступленіемъ же заповѣди, паки мя возвративый въ землю, отъ нея же взять быхъ. на еже по подобію возведи, древнею добротою возобразитися.

Упокой, Боже раба Твоего (или рабу твою, или: рабы твоя) и учини его (или: ю, или: я) въ рай, идѣже лица святыхъ, Господи. и праведницы сіяють яко свѣтила: усопшаго раба Твоего (или: рабу твою, или: рабы твоя) упокой, презирая его (или: ю, или: ихъ) вся согрѣшенія.

Слава. Трисіятельное единого Божества благочестно поемъ воніюще: Святъ еси, Отче Безначальный, Собезначальный Сыне и Божественный Душе: просвѣти насъ, вѣроу Тебѣ служащихъ, и вѣчнаго огня исхити.

И нынѣ Радуйся, Чистая, Бога плотію рождающая во спасеніе всѣхъ, Ею же родъ человѣческій

обрѣте спасеніе. Тобою да обрящемъ рай, Богородице, чистая Благословенная.

Сѣдаленъ. Гл. 5. Покой, Спасе нашъ, съ праведными рабы (раба, рабу) Твоя, и сія всели во дворы Твоя, якоже есть писано, презирая яко благъ прегрѣшенія ихъ (его, ея) вольная и невольная, и вся яже въ вѣдѣніи и не въ вѣдѣніи, Человѣколюбче.

Богородиченъ. Отъ Дѣвы возсіявый міру, Христе Боже, сыны свѣта Тою показавый, помилуй насъ.

Ирмосы канона. Пѣснь. 3, гл. 8. Небеснаго круга Верхотворче Господи, и церкви Зиждителю, Ты мене утверди въ любви Твоей, желаній краю, вѣрныхъ утвержденіе, Едине Человѣколюбче.

Пѣснь. 6. Молитву пролію ко Господу, и Тому возвѣщу печали моя, яко золь душа моя исполни-ся, и животъ мой аду приближися, и молюся яко Іона: отъ тли, Боже, возведи мя.

Пѣснь. 9. Ужасеся о семь небо, и земли удивишася концы, яко Богъ явился человѣкомъ плотски, и чрево Твое бысть пространнѣйшее небесъ, тѣмъ Тя Богородицу Ангеловъ и человѣкъ чиноначалія величаютъ.

Стихиры. Гл. 1. Кая житейская сладость пребываетъ печали непричастна; кая ли слава стоитъ на землѣ непреложна; вся сѣни немощнѣйша, вся соній прелестнѣйша: единѣмъ мгновеніемъ, и вся сія смерть приѣмлетъ; но во свѣтѣ, Христе, лица

Твоего и въ наслажденіи Твоея красоты, егоже избралъ еси, упокой, яко Человѣколюбецъ.

Гл. 8. Плачу и рыдаю, егда помышляю смерть, и вижду во гробѣхъ лежащую, по образу Божию созданную нашу красоту, безобразну, безславну, немущую вида. О, чудесе: что сіе еже о насъ бысть таинство, како передахомся тлѣнію; како сопрягохомся смерти; воистинну Бога повелѣніемъ, якоже писано есть, подающаго престаившемуся упокоеніе.

Гл. 6. Зряще мя безгласна, и бездыханна предлагаща, восплачите о мнѣ, братіе и друзи, сродницы и знаеміи: вчерашній бо день бесѣдовахъ съ вами, и внезапно найде на мя страшный часъ смертный. Но приидите, вси любящии мя, и цѣлуйте мя послѣднимъ цѣлованіемъ: не ктому бо съ вами похожду, или собесѣдую прочее, къ Судии бо отхожду, идѣже нѣсть лицепріятія: рабъ бо и владыка вкупѣ предстоятъ, царь и воинъ, богатый и убогій, въ равнѣмъ достоинствѣ: кійждо бо отъ своихъ дѣлъ, или прославится или постыдится. Но прошу всѣхъ и молю, непрестанно о мнѣ молитесь Христу Богу, да не низведенъ буду по грѣхомъ моимъ, на мѣсто мученія, но да вчинитъ мя, идѣже свѣтъ животный.

Конданъ. Гл. 8. Со святыми упокой, Христе, души рабъ Твоихъ, идѣже нѣсть болѣзнь, ни печаль, ни воздыханіе, но жизнь безконечная.

Иносъ. Гл. 8. Самъ единъ еси безсмертный, сотворивый и создавый человѣка: земніи убо отъ

земли создахомся, и въ землю туюжде пойдемъ, якоже повелѣлъ еси создавый мя и рекій ми: яко земля еси и въ землю отъидеши, аможе вси челоуѣци пойдемъ. надгробное рыданіе, творяще пѣснь: аллилуіа.

Стихира. Гл. 2. Приидите, послѣднее цѣлованіе дадимъ, братіе, умершему (умершей), благодаряще Бога; сей бо (сія бо) оскудѣ отъ-сродства своего, и ко гробу тщится, не ктому пекійся о суетныхъ, и о многострастной плоти; гдѣ нынѣ сродницы же и друзи, се разлучаемся, его же (юже) упокоити Господу помолимся.

#### Замѣченныя въ книгѣ опечатки

Стран.	Строка снизу.	Напечатано:	Слѣдуетъ читать:
31	13	Тебѣ	Тебе
38	8	не отвергни	не отвержи
41	20	радуйся	радуясь
45	5	Ма	Па
55	8	умертвленіе	умерщвленіе
—	14—15	въ въ	въ
70	8	не отвергни	не отвержи
97	15	преносасяся	преносасаша
—	4	вмѣшаху	вмѣщаху
14	Послѣ „Исповѣдайтесь Господеви“ слѣдуетъ: Исповѣдайтесь Богу Небесному, яко въ вѣкъ милость Его.		

# ОГЛАВЛЕНИЕ.

	Стран.
Пѣсноѣнія литургіи . . . . .	3
„ всенощнаго бдѣнія . . . . .	12
„ воскресной службы. Гласъ 1-й . . . . .	20
„ 2-й . . . . .	22
„ 3-й . . . . .	25
„ 4-й . . . . .	27
„ 5-й . . . . .	30
„ 6-й . . . . .	33
„ 7-й . . . . .	36
„ 8-й . . . . .	48
Катавасія „Отверзу уста моя“ . . . . .	41
Пѣсноѣнія Великаго поста . . . . .	42
„ Страстной седмицы . . . . .	48
„ Пасхальныя . . . . .	52
„ на Рождество Пресв. Богородицы . . . . .	59
„ „ Воздвиженіе Креста Господня . . . . .	63
„ „ Введеніе во храмъ . . . . .	68
„ „ Рождество Христово . . . . .	71
„ „ Крещеніе Господне . . . . .	76
„ „ Срѣтеніе Господне . . . . .	79
„ „ Благовѣщеніе Пр. Богородицы . . . . .	82
„ „ Входъ Господень въ Іерусалимъ . . . . .	85
„ „ Вознесеніе Господне . . . . .	89
„ „ Троицынъ день . . . . .	92
„ „ Преображеніе Господне . . . . .	95
„ „ Успеніе Божіей Матери . . . . .	99
Пѣсноѣнія Господу Іисусу и Пр. Богородицѣ . . . . .	102
Тропари святыхъ, и особыхъ празднествъ . . . . .	105
Тропари общіе святымъ . . . . .	114
Пѣсноѣнія молебна . . . . .	115
„ о усопшихъ . . . . .	121



## Молитва ко Пресв. Богородицѣ передъ иконою Ея, именуемою „ПОХВАЛА БОГОМАТЕРИ“.

Гл. 5. Къ кому возопію, Владычице, къ кому прибѣгну въ горести моей, аще не къ Тебѣ, Царице небесная; кто плачъ мой и воздыханіе мое приметъ, аще не Ты, пренепорочная, надеждо христіанъ и прибѣжище намъ грѣшнымъ; кто паче Тебе въ несчастіяхъ защититъ. Услыши убо стенаніе мое и приклони ухо Твое ко мнѣ, Владычице, Мати Бога моего, и не презри мя, требующаго Твоея помощи, и не отрини мя грѣшнаго; вразуми и научи мя, Царице Небесная; не отступи отъ мене, раба Твоего, Владычице, за роптаніе мое; буди мнѣ мати и покровительница. Вручаю себе милостивому покрову Твоему, аще токмо восхопши устроить о мнѣ. Приведи мя, грѣшнаго, къ тихой и безмятежной жизни, да плачуся о грѣхахъ моихъ. Увы, мнѣ, къ кому прибѣгну повинный азъ, токмо къ Тебѣ, упованію и прибѣжищу грѣшныхъ, въ надеждѣ на неизреченную милость Твою и щедроты; кое-ли слово за преступленія мои изрещи возмогу къ величеству славы Твоея; о, Владычице,

Царице Небесная: Ты мнѣ мати и надежда, Ты ми  
упованіе и прибѣжище, покровъ, заступленіе и по-  
мощь. Царице моя преблагая и пребыстрая заступ-  
нице, покрый своимъ ходатайствомъ моя прегрѣ-  
шенія, защити мя отъ врагъ видимыхъ и невиди-  
мыхъ; умягчи сердца злыхъ человѣкъ, возстающихъ  
на мя. О, Мати Господа моего, Творца: Ты корень  
дѣвства и неувядаемый цвѣтъ чистоты. О Богоро-  
дительнице, Ты подаждь ми помощь немощствующе-  
му плотскими страстями и болѣзнующему серд-  
цемъ: едино бо Твое, и съ Тобою Твоего Сына и  
Бога нашего, имѣю заступленіе, и Твоимъ пречуд-  
нымъ заступленіемъ да оправданъ буду, и да из-  
бавлюся отъ всякія бѣды и напасти, всесильными  
Твоими молитвами, всечистая, и непорочная, и пре-  
славная Божія Матерь Марія. Радуйся, благодат-  
ная; радуйся, обрадованная; радуйся, преблагосло-  
венная: Господь съ Тобою.

*Казаиско: Божия Матерь Божия  
Знаменитая: — \*\*\* —  
Въ 1811 году, и 1800 году.*

Пресвета Владичице  
Богородице, избави всех  
о верою тебе молящихся  
от всяких искушений, скор-  
бей и бед.